


AN XIX



An XVI E. F.
Societât Filolôgiche Furlane
UDIN




IL STROLIC FURLAN

AN XIX

PAL

1938



cun duc' i marciâz
e lis sagris
de Furlanie

Societât filològiche furlane
Udin 1937 - XVI

Calendari par l'an 1938

Èpochis

L'AN DI CRIST 1938 AL CORISPUINT AL AN: 7137 de crea-
zion dal mont secònt il Martirològio Romàn e 5942 secònt
l'opinion comùn dai cronisc'; — 6651 dal periodo giuliàn;
— 4844 dal diluvi; — 2714 de prime Olimpiade; — 2691 de
fondazion di Rome; — 2124 de fondazion di Aquilee; —
1356-1357 dai maometàns; — 16 dal Fascismo.

Eclis

(Timp mèdio da l'Europe centràl)

DI LUNE: 1) Totàl ai 14 di mai invisibil in Itàlie; 2) Totàl ai
7 e 8 di novembar, visibil in Itàlie; jentre la lune te pe-
nombre ai 7 di nov. h. 20.39; jentre te ombre a h. 21.41;
principi de eclis totàl a h. 22.45; centro da l'eclis a h. 23.26;
fin da l'eclis totàl ai 8 di novembar a h. 0.7; la lune jès da
l'ombre a h. 1.28; jès de penombre a h. 2.13.

DI SORELI: 1) Totàl ai 29 di mai, invisibil in Itàlie; 2) Totàl
ai 21 di novembar, invisibil in Itàlie.

Principi des staglons

Primevere: 21 di marz. h. 7.43

Estàt: 22 di juin, h. 3.04

Autùn: 23 di set., h. 18.—

Unviâr: 22 di dec., h. 13.13

CALENDARI CÌVIL

- 1) Son zornadis di fieste par dut ce c'al riguarde il civil: lis
domènils — il prin da l'an — il dì de Pifanie (6 di zenâr)
— S. Josèf (19 di marz) — 21 di avrìl (Nadâl di Rome)
— il dì de Sense — Corpus Domini — S.S. Pieri e Pauli
(29 di juin) — l'Assunte (15 di avòst) — 28 di otubar
(Màrcie di Rome) — l'Imacolade Concezion (8 di di-
cembar) — Nadâl (25 di dicembar).
- 2) Fiestis naziònals: il 25 di avrìl: nàssite di G. Marconi —
9 di mai: fieste da l'Impero — la prime domènie di juin:
celebrazion de Unitàt d'Itàlie e dal Statùt — 12 di otubar:
scuviarte de Amèriche — 4 di novem.: Aniversari de Vitòrie.
- 3) Solenitàs puramentri civils: 11 di fevr.: aniversari de Con-
ciliazion — 24 di mai: aniversari de declarazion de uere
— 11 di novem.: natalizi dal Re.

Si fâs fieste, ma no son plui di precèt nè civils, il dì di S.
Ermàcore, patrono de Arcid. di Udin (12 di lui) e il dì dai S.S.
Ilari e Tazian, patronos de Arcid. di Gurizze (16 di marz).

CALENDARI ECLESIASTIC

Numars corinz

Lètare Domenicâl	b	Ciclo solâr	15
Lètare dal Martirologio	N	Indizion Romane	6
Numar d'aur	1	Dom. dopo l'Epifanie	5
Epate	XXIX	Dom. dopo Pasche	24

Fiestis mòbills

SS. Non di Gesù, 2 di zenâr — S. Famee, 9 di zenâr — Setuagesime, 13 di fevrâr — Prin di Crèsime, 2 di marz — Siet Dolòrs di M. V., 8 di avrìl — Pasche, 17 di avrìl — Patrocini di S. Josèf, 4 di mai — La Sense, 26 di mai — Lis Pentecostis, 5 di juin — SS. Trinitât, 12 di juin — Corpus Domini, 16 di juin — SS. Cûr di Gesù, 24 di juin — Regalitât di N. S., 30 di otubar — Prime domènie di Avènt, 27 di novembar.

Rogazions

23 - 24 - 25 di mai

Quatri Timporis

Primevere	9 - 11 - 12 di marz
Istât	8 - 10 - 11 di juin
Autûn	21 - 23 - 24 di setembar
Unviâr	14 - 16 - 17 di dicembar

Fiestis di precèt

Son di precèt eclesiastic dutis lis domèniis e lis altris fiestis religiosis dal Calendari civil. Lis fiestis de Nativitât di Marie (8 di set.), di San Stieffin (26 di dic.) e la II fieste di Pasche, segnadis tal calendari cun t'une crôs pizzule, e' son tignudis, par cont des funzions, come fiestis grandis, ma no son di precèt.

Astinenzis, villis e dizûn

La lez de astinenze (o sei di no mangiâ di gràs) 'e va osservade in duc' i vinars — in dutis lis sâbidis di Crèsime (Sâbide sante fin a misdi) — tes Quatri Timporis e tes villis des Pentecostis, da l'Assunte, di Duc' i Sanz e di Nadâl, pur che no colin di domènie. — L'oblic dal dizûn, par chei che devin fâlu, al côr par dute la Crèsime (fûr che lis domèniis), tes Quatri Timporis e tes villis.

I cialdîrs di Marie

(vècie Brume)

I

INSTAT

Te canicule d'aur par dôs tre oris
dopo gustât, la vile come muarte
'e polse in pâs. Che cul cessâ des voris,

sul misdi, 'e lave vie di puarte in puarte
la Sium, fie dal cialt e de fadie,
ciscant a la int cun vôs cuviarte:

— Vait a polsâ. D'instât l'avemarie
us ciate za tal ciamp e la zornade
jé lùngie... — E dit cussì, 'e sbrissave vie.

Noaltris fruz, te pâs frès'cie e beade
di un puarti, 'o stavin a contâsi storis
o a cordâsi sun qualchi baronade.

Cui si visàve dal passâ des oris,
Nô fruz culà cidîns e i viei tal scûr
in ciase par parâsi di chês sioris

di mos'eis, besteatis senze cûr.

Zenâr

Il soreli al jeve es 7,46.

Al tramonte es 16,14.

Al dure oris 8,28 (*).

✠	1	S	<i>Circoncis. di N. S.</i>	L.G.	
✠	2	D	<i>ss. Non di Gesù</i>		Dio nus uardi
	3	L	s. Genovefe v.		di un bon zenâr
	4	M	s. Ermes m.		par podè jemplà
	5	M	s. Telèsforo p. m.		il granâr.
✠	6	J	<i>Epifanie</i>		Cul cialt dai bleons
	7	V	s. Crispìn vesc. c.		no si fâs boli la cite.
	8	S	s. Severin vesc.		Sin tal crût da l'unviâr,
✠	9	D	<i>(Nat. di Regine Eline (1873)</i>		ne è maravèe
			<i>Sacre Famèe</i>	P.Q.	s'al svinte pal dovè
			<i>(Muart di Vitt. Em. II. (1878)</i>		o s'al nevèe.
	10	L	s. Pàuli erem.		Al è fat il prin quart
	11	M	s. Gino pape m.		e 'o sperì ben;
	12	M	s. Probo vesc.		c'al sei pur frèt, baste
	13	J	s. Leònzio vesc.		c'al sei serèn.
	14	V	B. Durì di Pordenòn c.		Farai l'è fradi di no
	15	S	s. Màur ab.		[fa mai.
✠	16	D	s. <i>Marcèl p. m.</i>	L.P.	Par vé pàs
	17	L	s. Antoni ab.		sint e tâs.
	18	M	La Cat. di S. Pieri a Rome		Sant'Antoni di zenâr
	19	M	s. Paulin di Aquilee		un'ore biel auâl.
	20	J	s. Fabian e Sebastian		Ultin quart e frèt c'al art:
	21	V	s. Agnès v. m.		Viodarin la lune gnove
	22	S	s. Vizèns m.		Se farà plui buine prove.
✠	23	D	s. <i>Emerenziane v. m.</i>	U.Q.	Miôr un no su t'un plat
	24	L	s. Timòteo vesc. m.		di buine ziere.
	25	M	Conversion di s. Pauli		che un si t'un podin
	26	M	s. Policàrp vesc. m.		di brute maniere.
	27	J	s. Zuan Grisost. v. c.		Lune gnove: ma cui sa
	28	V	s. Pieri Nolâsc conf.		se â di fânus mateâ.
	29	S	s. Francèsc di Sales c. d.		
✠	30	D	s. <i>Martine v. m.</i>		
	31	L	s. Zuan Bosco c.	L.G.	

(*) S' intint simpri pe prime di dal mêis e par Udin.

II

IN PLAZZE

Il prin segnâl di móvisi lu dave
il cialderâr cul so martiel di len
batût sul toc di ram c'al lavorave.

A chest segnâl sintivi un bot tal sen:
plantavi dut, t'un salt eri te strade
e vie di corse che nissùn mi ten.

Sior Niculìn spiziâr, cu' la velade
nere, l'è za in vedete su la plazze;
dal butighìn dal lot jé za spontade

sioire Andreane cui ociai; di fazze
il zuet Carnèl c'al vent robe di fiar,
al nase l'ajar come un cian di ciazze.

Pi in' nà il droghîr Patune, omp di rar
inzèn c'al sa lis storis dal passât;
e infin, velade nere e gilè clar,

Beltramìn, salumîr e podestât.

Fevrâr

Il soreli al jeve es 7,15.

Al tramonte es 16,45.

Al dure oris 9,30.

	1	M	s. Ignazi vesc. m.		La Madone cereole
	2	M	Purificazion di M. V.		'e jè clare che console;
	3	J	s. Blàs vesc. m.		dunce l'an no'l à paure,
	4	V	s. Dree Corsin vesc. c.		il proverbi nus sigure.
	5	S	s. Aghite v. m.		
✠	6	D	s. <i>Tito vescul</i>		C'al ledi a Triest un
	7	L	s. Romualt ab.		contadin in plazze,
	8	M	s. Juvenzi vesc.	P.Q.	no'l sa plui furlàn.
	9	M	s. Ciril vesc. dot.		
	10	J	s. Scolàstiche v.		L'è fat il quart
	11	V	La Madone di Lourdes		e la sentenze è fate:
	12	S	ss. Siet Fondatòrs		o' varin prin nêf
✠	13	D	s. <i>Fos'ce v. m.</i> (<i>Setuagèsime</i>)		e po fumate.
	14	L	s. Valantin predi m. L.P.		La ploe di fevrâr
	15	M	ss. Faustìn e Giovite mm.		val tant che un ledamâr.
	16	M	s. Giuliane v. m.		
	17	J	ss. Martirs di Concuàrdie		San Valantin inglazze la roe
	18	V	s. Simeon vesc. m.		cun dut il mulin.
	19	S	s. Giulian m.		
	20	D	s. <i>Eleuteri m. (Sessag.)</i>		L'ultin quart no'l fâs criure,
✠	21	L	s. Massimian vesc. c.		ma ben Marz mi fâs paure.
	22	M	Cat. s. Pieri in Antioc. U.Q.		
	23	M	s. Pieri Damiàn v. dot.		O matrimonis di speculazion!
	24	J	s. Matie ap. (<i>Joibe grasse</i>)		Co no regne la pàs
	25	V	s. Cesari c.		e la cuiete,
	26	S	s. Sandri vesc.		se la dote fòs anco un milion,
✠	27	D	s. <i>Gabriel de Dolorade c.</i> (<i>Quinquâgesime</i>)		ze zovial quant che il diaul
	28	L	s. Macari m.		l'è sot la plete?
					Carnevâl no'l pae debiz,
					atênz dunce a no fa crediz.
					Uè fevrâr al è lât fûr,
					tant l'unviâr l'ûl tignî dâr.

III

IL CIALDERAR

'O traviarsavi dut sburît la plazze
senze cialâ chei siors tant sglonfs di bòrie,
che si fasevin cumplimènz in fazze

e par daùr uzzavin la memòrie
cul slengonâsi senze remission
contansi ogni doi dîs la stesse stòrie.

Il cialderâr l'ere la mé passion.
Voltavi drenti t'une contradute
là c'al veve buteghe in t'un stanzòn

dut neri come lui; e lì cun dute
la me creanze: — Mestri Tin, bondì! —
e mi sentavi jù su la banciute.

Viodi a nassi un cialdîr — lassaimal dî —
ce meracul! Par me chel omp dut neri
e il so martiel in vore dut il dî

erin come une spèzzie di misteri.

Marz

Il soreli al jeve es 6,32.

Al tramonte es 17.28.

Al dure oris 10,56.

	1	M	s. Albìn vesc. (Ultin di Carnevål)	Marz, mene la code
	2	M	<i>Prin di Crèsime</i> L.G.	pal bearz.
	3	J	s. Cunegonde imp.	Come c'al va l'ultin
	4	V	s. Lùzio p.	[di carnevål
	5	S	s. Casimìr c.	e il prin di Crèsime,
✠	6	D	<i>ss. Perpètue e Filizite m.</i> (<i>I dom. di Crèsime</i>)	va dute la Quàrèsime.
	7	L	s. Tomàs di Aquìn c. dot.	Un ciart che al sa
	8	M	s. Zuan di Dio conf.	[un mont pòc,
	9	M	s. Francesche Rom. P.Q. T.	ma che al pretint,
	10	J	ss. Quarante Martirs	al sostèn che chest quart
	11	V	s. Costantin c. T.	[farà gran vint.
	12	S	s. Gregori I pape dot. T.	Ute, Mute, Cananec,
✠	13	D	s. <i>Cristine v. m.</i> (<i>II. di Crèsime</i>)	pan e pès,
	14	L	s. Matilde reg.	Setemane Ulive,
	15	M	s. Clemènt c.	Setemane Sante.
	16	M	ss. Ilari e Tazian (<i>Patro-</i> <i>nos dè citàt di Gurizze</i>) L.P.	Lune plene, rabiose,
	17	J	s. Patrizi vesc. c.	e che incline a sei flatose.
	18	V	s. Ciril v. dot.	Miei lis barghessis rotis
✠	19	S	s. <i>Josèt spòs di M.V.</i>	te fadie
✠	20	D	s. <i>Tedòsie m. III di Crès.</i>	che lustradis sul cùl
	21	L	s. Benedèt ab.	in ostarie.
	22	M	s. Benvignût vesc.	Buine anade 'a ven
	23	M	s. Fedèl m.	se a sant'Josèf al fàs serèn;
	24	J	s. Gabriel Arcagnul U.Q.	albe clare a la Nunziade,
	25	V	La Nuziade	anade beade.
	26	S	s. Teodoro vesc.	Ustu vé most? lavore cussì:
✠	27	D	s. <i>Zuan Damascèn c. d.</i> (<i>IV di Crèsime</i>)	un ciáf di manco e un voli
	28	L	s. Zuan di Capistran c.	[di pì.
	29	M	s. Secònt m.	No son ciossis di miez
	30	M	s. Quirìn m.	[tal matrimoni:
	31	J	s. Beniamìn m. L.G.	o jè un agnul la fèmine
				[o un demoni.

IV

L'ORGANAR

Qualchi volte miò pari al mi menave
cun sè là di sior Pieri, l'organâr.
Un omp strani che quan' c'al lavorave

tor des canis, fasint ore il stagnâr
e ore il marangòn cu la medeme
pazienzie, al si meteve sù doi pâ

di ociai par viodi miei a tacâ insieme
zingo cun zingo o len cun len, e intànt
al ruzinave cuintri la blesteme

o al contave des striis, dal belandànt
cun tante cunvinzion c'al mi faseve
tante pore c'o levi vie tremànt.

Chel so mistîr, l'è vêr, al m' imponeve
un gran rispiet: mistîr nobil e rar.
Ma a miò paré nissùn mistîr nol veve

tant credit comechel dal cialderâr.

Avrîl

Il soreli al jeve es 5,40.

Al tramonte es 18,20.

Al dure oris 12,40.

	1	V	s. Ugo vesc.		
	2	S	s. Francèsc di Pàule c.		
✠	3	D	<i>Domènie di Passion</i>		Il prin di Avril nu 'e à petade ben;
	4	L	s. Isidoro vesc. dot.		A si spetave cialt e frèt al ven.
	5	M	s. Vicènz Ferreri c.		
	6	M	s. Sisto p. m.		
	7	J	s. Epifani vesc. m. P.Q.		In chest quart varin timp variabil,
	8	V	I Siet Dolòrs di M. V.		ma dopo mateât si farà stabil.
	9	S	s. Demètrio m.		
✠	10	D	<i>Domènie Ulive</i>		
	11	L	s. Leon I. pape		Ustu vé aghe tal baril? quinze di Avril.
	12	M	s. Zenòn vesc. m.		
	13	M	s. Gildo re L.P.		
	14	J	s. Justin m. <i>Jobe sante</i>		Ulif bagnât e ûs sùz, ûs sùz e ulif bagnât.
	15	V	s. Vitorin m. <i>Vinars S.</i>		
	16	S	s. Calisto m. <i>Sàbide S.</i>		
✠	17	D	<i>Pasche di Resurezion</i>		
	18	L	Dedic. dal Domo di Udin		Se al plûf Vinars Sant, arsure l'an dut quant.
	19	M	s. Leon IX p.		
	20	M	s. Marzian predi		
	21	J	s. Ansèlmo v. dot. U.Q. (Nadâl di Rome)		Fin che al tire vie cussi 'e mi còmude ance a mi.
	22	V	ss. Sotèr e Cai mm.		
	23	S	B. Eline Valentinis di Udin - s. Zorz		Cui che no'l lavore la [tiare cu lis vacis, al va a mulin cu la puiere.
✠	24	D	<i>Domenie « in Albis »</i>		
	25	L	s. Marc evang. (<i>Nàssite di G. Marconi</i>)		O cuel, o bosc, o rusignûl, [o flôr nulint! O cil di serene [armonie dut gloriôs! Jo ti sint, [o Signôr!
	26	M	ss. Cleto e Marcellin mm.		
	27	M	s. Pieri Canis c. dot. L.G.		
	28	J	s. Pàuli de Crôs c.		
	29	V	s. Pieri m.		
	30	S	s. Catarine di Siene v.		

V

UN CIALDIR

Viodi a nassi un cialdir, ce maravee!
Une plache di ram a pôc a pôc
sot i colps dal martiel si stuarz, si plee

in t'une gobe. E jo lì come un ôc
instupidît a viodi che ché gobe
'e si sglonfave a ogni batude un pôc.

E bat e bat, come s'al fos 'ne robe
di paste frole — sì, ma l'artesan
dut t'un'aghe, si viôt, lafè, c'al sgobe! —

chel blec di ram 'i salte fûr di man
cul cûl taront e lustri c'al samee
la tube dal ciapiel dal capelàn.

Po' al 'i storonze i ôrs; nol dismentee
di lassâi lis orelis cul ocièt
là c'al va il cempli; un lavri c'al sbelee

lu indrezze. E vè, il cialdir al è perfèt.

Mai

Il soreli al jeve es 4,53.

Al tramonte es 19,07.

Al dure oris 14,14.

✠	1	D	ss. <i>Filip e Jacum app.</i>	Prin di Mai, San Jacum
	2	L	s. Atanasi v. dot.	[e Filip ciatai,
	3	M	Inv. de S. Crôs	Tiarze di Sante Crôs fui,
	4	M	s. Gotàrt	un pôc plui tart
✠			<i>Patroc. di S. Josèf</i>	San Gotàrt,
	5	J	s. Florean	e tal domàn San Florean
	6	V	s. Zuan e' Puarte Lat. P. Q.	cul spic in mau.
	7	S	s. Stanislao vesc. m.	
✠	8	D	<i>Aparizion di S. Michêl</i>	Come il solit il prin quart
	9	L	s. Gregori Nazianzàn v.	no'l pô sta senza fa tuart.
			<i>(Fieste da l'Impero)</i>	
	10	M	s. Antonin v.	Viôt in vile e cà in citât
✠	11	M	s. Francès c. Jaroni c.	plui di un mus inamorât.
	12	J	ss. Nèreo e Achil mm.	
	13	V	s. Robèrt Belarmin v. d.	Oh, ce notis che van
	14	S	s. Bonifazi m. L. P.	vie pal cil serèn!
✠	15	D	s. <i>Zuan B. de la Salle c.</i>	Oh, i ucci sì, che san
	16	L	s. Ubaldo vesc.	gioldi, e giòldile a plen
	17	M	s. Pascâl Baylon c.	la vite! E nò, porèz,
	18	M	s. Venanzi m.	vivin di fufignèz.
✠	19	J	s. Pieri Celestin c.	
	20	V	s. Bernardin di Siene c.	Ue di mai, ùe assai;
	21	S	s. Valènt vesc. m.	vin di mai, bondanze
	22	D	s. <i>Giulie v.</i> U. Q.	[che mai.
✠	23	L	s. Desideri v. m. Rog.	Se in mai tempieste,
	24	M	ss. Donazian	nuje no'l reste.
	25	M	e Rogazian mm. Rog.	
			s. Gregori VII p Rog.	S'al plûf il dì de Sense
✠	26	J	<i>La Sense</i>	quarante dis no si sta senza.
	27	V	s. Bede dot.	
	28	S	s. Agostin vesc.	'E jè fate la lune
	29	D	s. <i>Marie Mad. de P. v. L. G.</i>	e cumò ocòr
✠	30	L	s. Fillz pape	che nus fasi bon timp
	31	M	ss. Canzian, Canzianile	se ul fassi onòr.
			e comp. mm.	

VI

JO E MESTRI TIN

Une dì — l'ere za bonât soreli
e la buteghe ere tra lûs e scûr —
mestri Tin impiànt un cesendeli

di pôc consùm al dîs: — Canai, tu às cûr
fin di dismenteâti di lâ a cene
par stà a ciâlâmi me! — E jo: — Sigûr.

Mi plâs tant il mistîr! — Orche vermene!
Se tu às ché voe, ti ciol ben vultîr
a fâ il garzòn. Ma pense, 'e dûl la schene

dopo vè lavorât di chest mistîr
cussì di une in ché altre avemarie! —
— 'O ài buine schene! — jo i rispuint a tîr.

Lui al mi ciale, al rît, al mi cimie.
— Fevelarai mo jo cun mestri Grîs.
S'al è contènt, orche vermene! sì eh,

che jemplarìn di rams duc' i paîs! —

Juign

Il soreli al jeve es 4,19.

Al tramonte es 19,41.

Al dure oris 15,27.

	1	M	s. Fermo m.	Brusait ulif che ven
	2	J	s. Marcelin e C. mm.	[la bissebove!
	3	V	<i>Muart di Garibaldi 1882</i>	Viodeso ce ceóns?
	4	S	s. Clotilde reg.	Siarait puartis, balcòns,
✠	5	D	s. Francèsc Caràcciolo	brusait ulif, c'al zove...
			<i>Pentecostis</i> P.Q.	
			(Fieste dal Statùt - 1861)	Soi daür a combinà
	6	L	B. Beltram, p. di Aquilee	che chest quart vei di
	7	M	s. Roberto ab.	[s'cialdà;
	8	M	s. Gulielmo T.	za no ocòr tante braure,
	9	J	ss. Prin e Felizian mm.	al è cialt di so nature,
	10	V	s. Margarite reg. T.	
	11	S	s. Bàrnabe ap. T.	Ploc a San Barnabà
✠	12	D	ss. <i>Trinitât</i>	il vin al va.
	13	L	s. Antoni di Pàdue c. L.P.	L'om al scomenze in scune
	14	M	s. Basili v. dot.	e fin c'al vif al bat
	15	M	ss. Filiz e Fortunât	[simpri la lune.
			mart. di Aquilee	
✠	16	J	<i>Corpus Dòmini</i>	...a lis grandezzis il miò ciûf
	17	V	s. Ciriache m.	[no pense,
	18	S	s. Efrem dot.	l'ort è bastànt a preparà
✠	19	D	ss. <i>Gervàs e Protàs</i> mm.	[la mense.
	20	L	s. Silveri p.	
	21	M	s. Luis Gonzaghe c. U.Q.	Brum! Brum! un brontolòn,
	22	M	s. Nicete di Aquilee v. c.	Piff! Paff! une saete!
	23	J	s. Agripine v. m.	Ce colps di tamburòn,
	24	V	s. Zuan Batiste	Ce orchestre malandrete!
			e SS. Cûr di Gesù	
	25	S	s. Prosper vesc.	Il timp c'al còr a San Zuan
✠	26	D	ss. <i>Zuan e Pàuli</i> mm.	al còr dut l'an.
	27	L	s. Ladislao re L.G.	
	28	M	s. Ireneo v. m.	Domàn al è San Pieri
✠	29	M	ss. <i>Pieri e Pauli</i> app.	e par sisteme vieri
	30	J	Com. di s. Pauli	dentri ste setemane
				al devi fa montane.

VII

MARIE

L'à manciât pôc che, fur di me di gionde,
no ciapàs mestri Tin a brazzecuel.

Ma propri in chel une frutate bionde —

scure, une trundulute cun t'un biel

pâr di voglùz contènz, jé su la puarte:

— Mestri Tin, e i cialdîrs? — E 'e tire il cucl

par cucâ drenti. E lui: — Tu pôs stâ ciarte,
orche vermene! che par in chel di

des gnozzis saràn pronz. — Ma a mi m'impuarte

di vêju prin, saveso! — Po sì sì,

Marie. Tu sâs c'o soi omp di peraule. —

— E biei, saveso! — Làssimi fà a mi:

ornât pi dilicât di chei di Paule.

Sestu contente? Ma cumò vait là,

ché us spiete la polente su la taule,

e àncie par me al è timp di lâ a mangiâ. —

Lui

Il soreli al jeve es 4,14.

Al tramonte es 19,46.

Al dure oris 15,32.

	1	V	Preziôs Sanc di Gesù	L'è un gran calôr e il cil
	2	S	Vlsite di M. V.	[l'è senze nui;
✠	3	D	s. Eliodoro di Altin v.	'e si capis che sin
	4	L	s. Uldari vesc. P.Q.	[tal mès di Lui.
	5	M	s. Filumene m.	Maris, se mai lis fèminis
	6	M	s. Isaie profete	di bagns e' vessin voe,
	7	J	ss. Ciril e Metodi v. cc.	mandàilis in te roe
	8	V	s. Lisebete reg.	che a ur farà plui ben.
	9	S	s. Veròniche Giuliani v.	La lune è plene: no'l è
✠	10	D	ss. Filiz e fradis mm.	afâr segrèt,
✠	11	L	s. Pio I. pape di Aq. m.	che za no pò plui piardi
	12	M	ss. Ermàcore e Fortunât Patronos di Aquilee, di Udin e di dut il Friul L.P.	di concèt.
	13	M	Dedic. de Basil. di Aq.	Se no vegnin plui flagei
	14	J	s. Bonaventure vesc. dot.	varin blave, ûe e ucci.
	15	V	Sant'Enrico imperatôr	Miei sudà che no tossi.
	16	S	Madone dal Càrmini	Se tu ûs sparnizza une
✠	17	D	s. Alèssio conf.	[notizie,
	18	L	s. Camilo «de Lellis» c.	còntile in segrèt.
	19	M	s. Vizènz de Paoli c.	Chest quart, al dis Cardàn,
	20	M	s. Margarite v. m. U.Q.	e al induvine,
	21	J	s. Prassede v.	l'à di patl di ritenzion
	22	V	s. Marie Madalene penit.	di urine.
	23	S	s. Apolinâr v.	Sante Marie Madalene
✠	24	D	s. Cristine m.	'a vai vultintir.
	25	L	s. Jacum ap.	Lu sbelèt che si petin
	26	M	s. Ane mari de Mad.	[sul mostàz
	27	M	s. Pantaleon m. L.G.	ciartis damis dal mont
	28	J	ss. Nazari e Celso mm	[al di di uè,
	29	V	s. Marte verg.	'a lis fàs someà, lis fàs
			Muart di Umberto I (1900)	[parè
	30	S	ss. Abdòn e Sennen mm.	just tanc' quadris piciàs
✠	31	D	s. Ignazi di Lojole c.	[e tanc' ritràz.

VIII

ME MARI

In ché sere, Marie, tu sês tornade
a ciase to cul cûr dut gongolànt
pe notìzie che Tin ti veve dade.

Ma jo! Puarìn, contènt beât fin tant
che rivai su la puarte de cusine.
Ma dopo, eh sì, botis di vuela sant!

Mé mari no berlave, ma cidine
lis molave par dret e par ledrôs.
No si pò dî che no fos stade buine;

ma severe che mai. Plui che la vôs
'e doprave la man. Dopo lis botis
si doveve sentâsi, fà la crôs.

e preâ il... Parinestri. E, no son fotis,
al durave un'orute a dîlu intîr.
Po senze cene e cu' lis cuestis rotis

tal jet. Marie, altri che il to cialdir!

Avòst

Il sorelli al jeve es 4,42.

Al tramonte es 19,18.

Al dure oris 14,36.

	1	L	s. Pieri « in Vinculis »	« Il timp al è monede »
	2	M	s. Alfòns de Liguori v. d.	[al dis l' Inglès
	3	M	Invenz. di s. Stiefin P.Q.	e quant che lu dis lui
	4	J	s. Domeni conf.	[cussi à di sei.
	5	V	Madone de Nêf	Ma domandàigi mo
	6	S	Trasfiguraz. di N. S.	[se lui l'à miei
✠	7	D	s. Gaetàn conf.	piardi il so timp o pur
	8	L	s. Ciriaco e Comp. mm.	[piardi i siei bès.
	9	M	s. Zuan M. Vianney conf.	
	10	M	s. Laurinz m.	Se al plüf a San Laurinz.
	11	J	ss. Tiburzi e Sus. mm. L.P.	la campagne la vinz.
	12	V	s. Clare v.	
	13	S	ss. Ipòlito e Cassian mm.	Cui c'al svange la vit
✠	14	D	s. Eusebi conf.	[d'Avòst
✠	15	L	Assunzion de Madone	al jemple la ciànive di most.
	16	M	s. Roc conf.	
	17	M	s. Giacènt conf.	San Roc dà la cláf
	18	J	s. Èline Imperatrice U.Q. (Non de Regine)	a ogni pitòc.
	19	V	s. Zuan Eudes c.	
	20	S	s. Bernàrt ab. dot.	L'ultin quart al si disbrate
✠	21	D	s. Donàt e C. mm. (patronos di Cividât)	cul molànt jù d'ogni fate.
	22	L	s. Timòteo e Comp. mm.	Sin a san Bartolomio
	23	M	s. Filìp Benizi c.	e cun Dio tu tu vàs;
	24	M	s. Bartolomeo ap.	cisilute, ti saludi:
	25	J	s. Luduvì re L.G.	mandi, mandi! valà in pàs!
	26	V	ss. Ermògene e Fortun. di Aquilee	Cialt, afànos, mos'cis
	27	S	s. Josèf di Calasanzi c.	[in quantitât;
✠	28	D	s. Ustìn vesc. dot.	si sta mâl tant in vile
	29	L	Decol. di s. Zuan Batiste	[che in citât.
	30	M	s. Rose di Lime v.	
	31	M	s. Raimònt conf.	Cui c'al duâr d'Avòst
				al duâr a so cost.

IX

UN GALANTOM

Tal domàn eri in pîs cul prin soreli,
dut gajarìn, fissât in t'un pinsîr
madurât vie pe gnot: chel gran bon vieli

di mestri Tin m' insegnarà il mistîr
s'o larai di scuindòn sol di matine
par no fâ tart la sere come îr.

Servide messe — joi, ce c'al sglinghine
di gust il campanèl tal Agnusdei! —
vie di buride senze stâ a dutrine.

— Cioleimi a vore, mestri Tin, us prei,
senze dial a miò pari... — Orche vermene!
Fâ scuindarolis, ciò, canai?! No vuei.

E ten a menz: se il Grîs 'a nol ti mene
cà di me declarànt c'al è contènt,
no tu tocis imprèst. — Pensait ce pene

tal miò cûr di frutìn! Joi, ce tormènt!

Setembar

Il soreli al jeve es 5,26.

Al tramonte es 18,34.

Al dure oris 13,8.

	1	J	s. Egidi ab.	P.Q.	
	2	V	s. Stieffin re		
	3	S	s. Eufemie e comp. mm. di Aquilee		Sant'Egidio ti dirà ce colôr che il mès varà.
✠	4	D	s. Rosàlie v.		
	5	L	s. Laurinz Giust. vesc. c.		Vuelin bès par fa uere [par un stât potènt ;
	6	M	s. Petroni v.		invezi tes fameis [baste no vent.
†	7	M	s. Anastasi m. di Aquilee		
	8	J	Nativitât di Marie ss.		
	9	V	s. Gorgòn m.	L.P.	
	10	S	s. Nicole di Tolentìn c.		Se al plûf a San Gorgòn, siet montanis e un montanòn.
✠	11	D	ss. Proto e Giacint mm.		
	12	L	ss. Non di Marie		
	13	M	s. Amât vesc. c.		A Sante Crous — pan e còculis.
	14	M	Esaltaz. de s. Crôs		
	15	J	I siet dolôrs de Mad. Nassite dal Pr. Er. 1904		
	16	V	s. Corneli p. m.		Lune setembrine a siet lunis s'inchine.
	17	S	Stimatis di s. Francèsc U.Q.		
✠	18	D	s. Josèf di Copertìn c.		
	19	L	s. Zenâr e C. mm.		Mi par che vadî ben di pareciâ serèn, se ciât passandomàn la sagre di Bolzàn.
	20	M	s. Eustachi e C. mm.		
	21	M	s. Matîo ap.	T.	
	22	J	s. Tomâs di Vileg. v. c.		
	23	V	s. Lino p. m.	L.G. T.	
	24	S	Madone de Mercede	T.	Il possidènt al treme infin che no'l à a ciase [la vendene.
✠	25	D	s. Firmin vesc. m.		
	26	L	ss. Ciprian e Justine mm.		
	27	M	ss. Cosme e Dam. mm.		
	28	M	s. Venceslao duce		Bielis zornadis, gnòz di paradis ;
	29	J	Dedicazion di s. Michêl		Setembar al finis ben i siei dis.
	30	V	s. Jaroni dot.		

X

L'AMICIZIE

Legnadis e dizùns e parinestrìs...
son colpe lôr se no soi doventât
un cialderâr mestri di duc' i mestris.

— Mestri Tin... — e vaint 'o 'i ài contât
ce che mi ere tociât la sere prime.
E lui c'al ere un omp di gran bontât

ma ruspi, al si meté a menâ la lime
di lunc dal ôr di chel famôs cialdir.
E jo restai lì, mut, cui voi incime.

Po, pàs a pàs, tignìnt àncie il respìr
di pore di seciâlu, 'o mi vicini
ae puarte. 'C lavi vie malvulintìr.

— Dulà vastu, canai? Che s' intindini:
jo no ti pari vie... Tu pôs restâ.
E' montin sul altâr il predi e il muini:

chel al uficie e il muini al sta a cialà. —

Otubar

Il soreli al jeve es 6,15.

Al tramonte es 17,45.

Al dure oris 11,30.

✠	1	S	s. Remìgio vesc. c.		Ogni rose co ài plantade
	2	D	ss. <i>Agnui Custodis</i>		va murint in te serade;
	3	L	s. Tarèsie dal B. Gesù v.		no, par diane, o bon ami,
✠	4	M	s. Francèsc d'Assisi c.		che l'afiet no'l mur cussi.
	5	M	s. Placit e C. mm.		
	6	J	s. Brunòn c.		Par fa furtune l'inzèn
✠	7	V	La Madone dal Rosari		al è une mane,
	8	S	s. Brigide vèdue		ma prin di dut bisugne
	9	D	s. <i>Dionis vesc. m.</i>	L.P.	vè furtune.
✠	10	L	s. Francèsc Bòrgie c.		
	11	M	Maternità di M. V.		L'è par finì l'autùn.
	12	M	s. Massimilian vesc.		Son làs za vie
✠			<i>Scuv. da l'Amèr. (1492)</i>		i bieci ciantors dai ciamps,
	13	J	s. Doardo re		i ucelùz;
	14	V	s. Calist p. m.		tornin a scuele immusonàs
✠	15	S	s. Tarèsie verg.		i früz,
	16	D	s. <i>Edvige ved.</i>	U.Q.	jè finide la fieste
	17	L	s. Margarite Alac. v.		e la ligrie.
✠	18	M	s. Luche evang.		
	19	M	s. Pieri d'Alcàntare c.		Finalmentri ài cognossùt
	20	J	s. Zuan Canzi c.		che la lune ùl fa a so mùt.
✠	21	V	s. Ursule e C. mm.		
	22	S	s. Ermes m.		I cops si dan di bevi
	23	D	s. <i>Severin vesc. c.</i>	L.G.	l'un cu l'altri.
✠			<i>Madonne des Gràziis</i>		
	24	L	s. Rafael Arcagnul		Il vin e la ligrie
	25	M	ss. Crisànt e Dàrie mm.		e' svein la fantasie;
✠	26	M	s. Evarist p. m.		no'l è rimiedi miei
	27	J	s. Sabine m.		par no diventà viei.
	28	V	ss. Simòn e Giude app.		
✠			<i>Màrcie di Rome</i>		S. Roc al dà la clâf
	29	S	s. Narcis vesc.		a ogni pitòc,
	30	D	<i>Jesu Crist Re</i>		e San Simòn le torne
	31	L	s. Volfàng ab.	P.Q.	al paròn.

XI

L'ORNAT

Dal mistîr no vin fate plui peraule.
Lavi a messe, a dutrine e sul tramont
corevi a ciase par sei pront in taule.

Ma tal rest de zornade eri là, pront,
in te buteghe a faigi companie
a mestri Tin, senze sgarâ un secònt.

Fate la forme dai cialdîrs, Marie,
bisugnave proviodi a l'ornamènt,
un dissèn gnûf cun art e fantasie.

E Tin al consumà, no vuei di cent,
ma vinc' blecùz di ciarte in tantis provis
par chel ornât; nol ere mai contènt.

'O tentai jo un dissèn — saressin robis
di no di par modéstie — e 'i al mostrai.
— Orche vermene! sastu che tu covis

un biel inzèn in chel to ciâf, canai!

Novembar

Il soreli al jeve es 7,4.

Al tramonte es 16,56.

Al dure oris 9,52.

✠	1	M	<i>Duc' i Sanz</i>		Ce sunà di ciampanis
	2	M	Comemor. dai Defòns		[pai pais
	3	J	s. Just m.		e vicins e lontàns;
	4	V	s. Carlo Borom. v. c.		si dan la volte i vis
			<i>Fieste de Vitòrie</i>		par sunà pai defòns...
	5	S	s. Zacarie profete		Ce sunà senze fin!
✠	6	D	s. <i>Lenàrt conf.</i>		[A glons, a glons,
	7	L	s. Prosdocim v.	L.P.	plui plane, plui fuart,
	8	M	ss. Quatri Coronâs mm.		[plui fuart,
	9	M	s. Teodoro m.		di dutis lis passions
	10	J	s. Andrèe Avelin c.		'e pâr la vòs....
	11	V	s. Martin v.		L'istadele di San Martin
			<i>Natalizi dal Re</i>		dopo tre dis 'a pò vé fin.
	12	S	s. Martin pape		
✠	13	D	s. <i>Didaco conf.</i>		L'ultin quart si fâs stessere,
	14	L	s. Josafât v. m.	U.Q.	nêf aj monz e cajû buere.
	15	M	s. Alberto M. dot.		
	16	M	Dedicazion des glèsiis de Arcidioc. di Udin		Rompi prin de vernade
	17	J	s. Gregori vesc.		vâl tant che une coltade.
	18	V	Dedic. Basilic. di s. Pieri		
	19	S	s. Lisebete di Ung. ved.		Contadins, co no'l è vin
✠	20	D	s. <i>Filiz conf.</i>		a no'l è nance murbin.
	21	L	La Madone de Salût		
	22	M	s. Cecilie v. m.	L.G.	In taule, fradis miei,
	23	M	s. Clemènt p. m.		no si devente viei.
	24	J	s. Grisògono m.		
	25	V	s. Catarine v. m.		A Sante Catarine
	26	S	s. Silvestri ab.		il frêt al vâ in cusine,
✠	27	D	s. <i>Valerian e I. d'Avènt</i>		
	28	L	s. Grivôr p.		Se a Sant'Andrèe no'l nevee,
	29	M	s. Saturnín m.		spètile par Nadâl,
	30	M	Sant'Andree ap.	P.Q.	se nò no è maravèe
					di là fûr nêz auâl.

XII

IL BASIN DI MARIE.

Dut inspirât al à mitût in vore
il cesèl come un grant dal quatricènt.
Al ciantave, al rideve e in qualchi ore

al mi pareve fur di sentiment.
Il miò dissèn? Nol ere che une guide
par chel c'ai inspirave il so talènt.

E a viodi ché so òpare finide,
d'aur par di fûr e dentrivie di arìnt,
l'à vajût come un frut. Instupidide

Marie — mi pâr di viodi ore presìnt —
cul cûr tai voi denànt di tant soreli,
'e ciale e tâs. Po, come par istint,

'i pete une bussade sul zarneli
e chel brâf omp di Tin al rît e al vai.
Po al dîs, cialanmi me, chel gran bon vieli:

— Un bâs, orche vermene! àncie al canai!

Giovanin Lurinzòn

Dicembar

Il soreli al jeve es 7,40.

Al tramonte es 16,20.

Al dure oris 8,40.

	1	J	s. Càndide m.		Dicembar al ciol,
	2	V	s. Cromazi di Aquil. v.c.		ma no'l torne.
	3	S	s. Francèsc Saveri c.		Sante Bàrbare benedete
✠	4	D	s. Bàrbare v. m. (Fieste de Artil., Gènio e Marine) II di Avènt		nus uardi dal folc e de saete
	5	L	s. Sabe ab.		Cun quatri dèc di mufe
	6	M	s. Nicolò v.		jès fùr la lune plene;
	7	M	s. Ambròs vesc. dot. I.P.		siròc i met la scufe,
✠	8	J	L'Imacolate Concezion		garbìn 'a je sfolmene....
	9	V	s. Siro vesc.		indizi di montane
	10	S	La Madone di Lorèt		dentri la setemane.
✠	11	D	s. Damàs p. III di Avènt		Da Sante Lùzie a Sante
	12	L	s. Massenzi e C. mm.		[Catarine
	13	M	s. Lùzie v. m.		si scurte il di un pit di
	14	M	s. Spiridion vesc. U.Q. T.		[gialine.
	15	J	s. Massimìn c.		Furlàns, crodèilu a mi:
	16	V	s. Albìn vesc. m. T.		quant che no'l ocòr, mai
	17	S	s. Lazar risussità T.		viarzi la boce.
✠	18	D	s. Grazian v. IV di Avènt		Lu vin pe code: pòs dis
	19	L	s. Fauste		[e poi
	20	M	s. Zuan Marinòn c.		ance chest an al siare i voi.
	21	M	s. Tomàs ap L.G.		Oh, ce sere benedete!
	22	J	s. Demètri m.		Oh ce gnot di paradisi!
	23	V	s. Vitòrie v. m.		A ciantà la pastorele
	24	S	s. Erminie v.		sin vignùz in chest pais...
✠	25	D	Nadâl		Chest prin quart 'a mi scan-
	26	L	s. Stieffin prin mart.		[tine,
	27	M	s. Zuan ap.		al scomenze a neveà;
	28	M	ss. Nozènz		sint la nape che busine...
	29	J	s. Tomàs vescul P.Q.		e no vé lens di brusà!
	30	V	s. Anastàsie m.		I sis ultins dis da l'an
	31	S	s. Silviestri		e i sis prins a indichin
					lis mesais.

El pignarili

Al è un dàì dàì di fruz là che àn finît,
sul Coldean, di sere, el piagnarîl,
spizzât in ponte, come un ciampanîl,
setât, a cul di mede, par dapît;
e come simpri, tal so puest precis,
lu ciataràn usgnòt chei del país.

Par dâ donge i balzui, la barunie
(robànt ance tes ciapis) 'e à sfadiât
in dut el géspui; no à nance gustât;
lu àn di viodi lontàn, quant c'al sflamie;
lu àn uardiât d'impèn, c'al sei sigûr,
che no lu impiin lis birbis prin di scûr.

Donge la cene, quant che 'l glon si spant
cul fum des nâpis, van lassù i curiôs:
a doi a doi ti rivin po i morôs,
sul biel momènt che cu' la man tremànt
el vieli al tache fuc. Eco c'al art
el pignarili, e intòr si sberle fuart.

Da chel flamòn che si alze e al fore 'l scûr,
ce fum c'al jès!: al plee par Cividât.
Bon segno, nò? Cul sac si va a marciât
chest an; varin bondanze di sigûr.
E i mui zirin intòr, a mat, sgiarnâz,
cul fuc des tòrcis, come tanc' danâz.

Chei fers, tal scûr, lî donge ché fughere,
'e parin stâtuis, cu' la muse in bore;
si viôt sui cuei, par dut, ardi a chest'ore
di gnot i pignarii. Su pe riviere,
fin te piche des monz, come ciandêlis
'e van flamutis a tociâ lis stelis.

Ma al fâs la miôr figure in lontananze
chel che si bruse al cis-cielât di Cuje:
lassù si ciente al pignârîl, si zuje,
si bêf, si bale. In cheste biele usanze
'e à plui savôr la gnot de Pifanie
che dut el grum di fiestis scove vie.

PIERI MATION

La speranza .

La speranza — cun creanza
nus ten sù — co nus ûl ben;
Sot i vel — colôr di rosa,
amorosa — nus sostên.
Ma co muda — la so fazza,
je nus tazza — cussi fuart
che nualtris — scudolâz
galopin — cuntra da muart
O speranza! — vé creanza:
no gambiâ — mai di colôr!
resta simpri — colôr rosa,
biela sposa — dal plui puor!

Gorizia

DOLFO CARRARA

P a r i e f i

« No tu mi crôs, fi miò? Pai strapàz al è lât:
La vite ch'i tu menis, àncie lui l'à menât,
Senze vê mai padin.

Balâ, fumâ, strazzâ, e niun consei sinti,
e di ogni dì fâ scûr, e di ogni gnot fâ dì,
come a sfidâ il destin.

Ma no zovin reclâms, no zovin plui cun tè!
No tu sês cence ciâf, epûr, no sai parcè,
tu no tu viôs resòn! ».

« Ti ài dit e torni a di: di bant l'è il prediciâ:
ognidûn l'esperienze bessôl al devi fâ,
I conseis son di plui! ».

« Sichê duncie, cussi? Nol val *chel* che in passât
i umign prin di te àn fat, dopo imparât
par sperienze e par studi?

Duc' i libris al fûc? duc' i precèz al vint
che il pari lasse al fi, miei che l'aur e l'arint,
par c'a butin in ben?

Esperienze bessoi! Pense ce ch'i tu dis!
Astu mai vedût arbul, distacât da radis,
a vivi e po a menâ? ».

E il zovin, cun t'un fâ di savint navigât,
disint: « 'O compatis: vècie mentalitât! »
ciape la puarte e al va.

Il pari incrose i braz e fra sè al dis cussi:
« Ma êse propri vere che chest al è gno fi? ».

Pentimènt de la Muart

Malà dentre la cuna al sta al canai;
La mare dòngia lui 'a vuarda e 'a vai,
'A se giava i ciavei, 'a prea e sconiura
C'a ge salve al Signor la so creatura
Ma la Muart su la puarta 'a vowl entrâ,
E intànt 'a vuarda pal bûs de la clà!

A ode chel spetachel de dolour
Ancia la Muart 'a sint sclopàse al cour!
Denànt al fantulin in agonia
La Muart 'a se pentis e 'a torna via!

Barcis, 1937-XV.

GIUSEPPE MALATTIA DELLA VALLATA



A siops là de sàntule... (dis. di Ant. Bauzon)

Dòs vilotis

Largo *Il miò cûr...*
Piano d'Arta 1931 *N.º 117 raccolta S. J. J.*

Oh sù sù
 sù il miò cûr tor-nai-mel No-me vou m'al vès to-
 cûr l'è fat a fe-tis U-ne fe-te par cian-

ter È me-tût in ta sa-cha-te... Tal piz-zin dal.. faz-zo-
 lòn U-ne fe-te m'e àn ro-ba-de... Simpri a-le-gri e mai pas-

1 2
 l'è Il miò
 -non:

Il miò cûr...

Oh sù sù, il miò cur tornaimel,
 nome vou m'al vès tolèt
 e metût in ta sachete
 tal pizzin dal fazzolèt!

Il miò cûr l'è fat a fetts,
 une fete par ciantòn;
 une fete m'e àn robade...
 Simpri alegri e mai passion!

ciargnelis

Larghetto *Maridaisi fantacinis...*
(Piano d'Aut. 1931) *40 115 raudla S.F.F.*

Ma-ri-dai-si fan-ta-ci-nis Ma-ri-
Se chest an sês ga-lan-di-nis Se chest

dai-si... fan-ta-ci-nis Ma-ri-dai-si
an sês... ga-lan-di-nis Se chest an sês

fan-ta-ci-nis Cûn spe-ran-ze... di vê ben:
ga-lan-di-nis Vio-da-rîn chest... an cu von!

p.

Maridaisi fantacinis...

Maridaisi fantacinis,
cun speranze di vê ben;
se chest an sês galandinis,
violarin chest an cu ven.

Dutis dôs lis vilotis 'e son stadis ciapadis su dal mestri
Josêf Peressôn a Dimplân.

L'ALPIN

(sveglia e marcia)

Cu la prime trombetade
el scarpòn al è dismòt,
e fra un ciant e une ridade
su pai crèz al ciape el trot.

(rancio)

Co lu clame la trombete,
tal bon ajar des sòs monz,
lu al jemple la gavete,
po t'un lamp i viôt el fonz.

(visita medica)

E se 'l miedi i dà une cure,
al è un fiasc di bon nostràn
la ricete plui sigure
par uari di ogni malàn.

(libera uscita)

Te surtide di montagne
al pò fâsi la balade:
qualchi frute lu compagne
fra une tace e une bussade.

(silenzio)

In chel sun di nostalgie
si cujete 'l bon alpin;
cul savôr di ché ligrie,
sot la tende al sta cidin.

Lis zariésis

« Mame ce àstu puartât? ». « 'O ài lis zariésis ».
« Mi 'n dastu un pocis? ». « Spiete un momentin
c'o meti jù la ciàrie che mi pese... ».
« Vedìn, mame, vedìn? ».

« Po sì, cumò, cumò... ». « Mame ce bielìs:
puèdio? ». « Po sì ninin! ».

« Ce buinis, mame, che son lis zariésis;
e ce sugo chés neris: 'e àn il vin! ».

« Nancie chel no ti plàs... ». Sì che mi plàs,
ma lis zariésis plui; 'e son plui dolzìs...
Mi 'n' dastu anciemò un pòcis? ». « Cìò bambìn;

Lis ài cioltis par voaltris!... ». (Tìmps passàs,
mame, ma quant che tòrnin lis zariésis
ti torni a viodi e mi riviòt frutin!).

Gurizze

FABIO GALLIUSI

Un viaz a Triest

Gioldi, bisugne. La tiare? Vé tiare? Olo la vegni ance
la tiare! Si scuèn sudà dut el an e si è simpri tes mans dal
Signor che al mande o il sut o la tampieste pai nestris pe-
ciàz, che infin ce si àl? Si à che si à strussiàt dute la vite,
par mangià polente.

Par chest Genesio al à vindùz i siei quatri ciampùz, ri-
gitàz di so agne, par fà palanchis. Si è zovins une volte sole,
e dopo, qualchi sant al judarà.

Cussì al lè a Udin a crompasi une mude gnove: vistit di
passe tresinte francs, in ros in celest in gris, un misclissamènt
che al butave a sior; cravate che gambiave di color cul mò-
visi; ciapiel vert di sessante, guans di piel di purcit salvadi
ver, cun qualchi pel parsore; scarpis di cent.

E al spietà che qualchidùn lu clamàs a zornade par
tornasi a vistì di contadin.

— Parcè no lavòrial Genesio?

— Parcè che miò fi nol va pal mancùl di vincetré francs
in di.

— Vincetré francs?! Sètu mate? Noaltris ai lavorèns si 'n'
dà dis?!

— Lui o vincetré o nuje.

— Ma sàtu che vincetré no ju ciape nance un deputât!

— Po nò!

— No nò! Nance un deputât!

— Nò?

— Po ben, ance se ju ciàpe, ùtu che a to fi i dèin tan' che a un deputât?

— Ma! e se nò nol va. Lui al è cussi.

Spietànt i vincetré francs Genesio al continue a bevi. Ce si àl di fâ quan' che si è nassùz di un pari che no i plaseve di fâ altri nance a lui!

Parvie che la mude non podeve restâ simpri gnove, e ance par pôre che i tociàs come pe biciclete che apene crom-pade, une sere in ostarie, di cioc, al la veve vindute par quarante francs, che jessint pòs, la matine al ere tornât a ciòlle e invessit i carubinirs lu vevin ciapât lui, che ancimò nol veve finis i displasês, alore al ere mior disbratasi a fâ almancul une frajade.

— Selmo, i disè a di un so ami, jo vorès fâ un biel viac' a Triest. Tu tu metis el tomobil, e jo ti meni a gustâ in tal prin albergo, tu e la to morose; quale che tu ùs. 'O meni ance jo la mé.

Quale? No 'n veve, ma bisugnave ciatant une. Par Udin al varès podût contentasi magari di qualunque, ma in t'une gran citât ce là a fâ brute figure? Stùpidis chês che i rivedin su la muse! No vèvial bêt in sachete? Al si impontâ. Eco: — la sclave — no ere ni masse zòvine ni masse bieles, ma za c'a ere contente, al varès proviodût lui a dut: che murissin di ràble chês che no lu vevin olût!

La matine, a Cividât, la comedàrin: i faserin lis ceis, la muse, i voi, lis òngulis, e za che jerin daûr, giavadis lis cialzis, i vernisarìn ance chês dai pis, che cui sândui — rubacuori — di coreàn ros, i devin une ande straordenarie ance a lui, Genesio, che al la compagnave. Selmo al si inrabeà e plui la so morose, parcè che donge di ché «sclave» cumò je, Ardemie, 'e varès parût une massàrie. Par no ruvinasi la zornade fin dal prin momènt, Genesio i pajà une piturazion ance a je; e po' vie indenànt a cui sa ce tanc' a l'ore, come i siors. Distiràt donge de so bionde, al la cialave ogni tant, supiarbeòs, senze lassasi cognossi. 'E veve un vistit setât, di sede clare, slusinte, senze màniis e cul cuel taponât come un figurin, che bastàs che lui al la vès bussade, e vareassin podût fâ une cartuline lustrade. Ma se al la vès bussade i ciavei i vareassin sbisiât su la muse. Cussi nol leve ben.

— Cio, Selmo! Si fermin ance a Gurizze.

Bisugnave fàle rizzotà, e che lessin dutis dōs adreture.

Lis fèminis 'a son pràtichis, se lis lassin fà. Par Udin al sarès stât avonde di une ondulazion di tre francs, ma pal prin albergo di Triest 'e jere mior la permanente. Genesio intànt al beveve e al pajave. Pizzul, strent di spalis, blanc di muse, ros di voi e di pel, ben smondeât ance lui, cumò al si sintive dut a puest par là a gustà in 't une gran citât. Ce biel viazà cussì! Quan' che la màchigne, dut t'un colp é ciapà la strade lunc el mar. al sintì el cûr a slargiasi e a là par dut el cuarp. Al ere propit contènt. I pareve che dut el pais al ves vût di savè che lui al ere all come un di chei che si viodin al cine!

'E jere passade la une, e Selmo, che al veve fan, al fermâ l'automobil senze spietâ di rivâ in tal prin albergo di Triest. Entrarin sot di une piargule che sarès stade come ché di une ostarie se no vès vût taulins ben pareciâz plens di int ben vistude. I camerirs 'e corevin intor cu la giachete blance e il tovauc' che svintulàvin mo par cà mo par là, e no vevin nance timp di badai a lor. Infin ciatàrin di comedasi instès; Genesio al scugni voltaì la schene a dute ché aghe che lu inceave.

Jerin stâz fers ance a Monfalcon, e oramai no vevin sugizion nance dal camarir. Ordenavin dut ce che olevin. Selmo al saveve lei qualunque robe, e al ere un bon aiût. Par vie de màchigne, al menave sì int ta l'ospedâl e zoventût come lor a sagre e a marciât, ma al compagnave intòr ance qualchi siorât, e al veve ciapade su une ande nò di contadin. Genesio al lu cialave e al saveve regolarsi, che ance in tal pajà el camarir al lu ciapà par un di citât.

L'aiarin che al vignive dal mar al moveve i riciòs des permanentis, senze dispetenâ Genesio par vie de brillantine dade pulit, ma i rinfresciave i pinsirs. Lavorâ di contadins sot chest sorell, ce vite ise?

Maraveis di negozis, di cafès, tomòbii, trams, int, fasevin une cunfusion in tal ciâf che inciocave tan' che il vin.

Lerin su e jù, par cà e par là, di una birarie in tune ostarie, fin che rivàrin in cis'cèl, cun 't une cioche, une lune, un mar, un sflandor par sot e parsore e di dutis lis bandis, che a duc' i quatri i pareve di sei in 't un altri mont.

Ance se al fos ver che al ere partit cun sis cent e passe, e che nol veve plui nuje, ce sarèssial? Pal domàn si à pur di fidasi te misericordie dal Signor, come che. aromai, 'e dovevin fidassi di lui par tornâ a clase.



Vin gnûf

(dis. di Ant. Bauzon)

Púeris féminis, simpri lôr colpe di dut...

— Dut il mal, in chest mont, al ven des fêminis, — scombateve 'ne sere, su la puarte de latarie, il casaro, c'al veve ciatât da di, pôc prime cu la so fêmine.

— Ma nô che nol è po simpri vêr! Tu tu le sglonfis come 'l to sòlit, pardiane! — zrive di bonilu so copari Toni dai Cui. — 'Ne vøre di int, in chest mont, invessit, jé contente di jessi maridade e ben maridade àncie, ce cròdistu? E spès al capite che jé propit la fêmine, in t'une ciase, a tigni sù la barache... Scometino c'o ài reson jo?...

— Ciale mo Toni, usgnòt no ài voe di tornà a barufà. Domàn a sere al è consei de latarie: buine ocasion duncie par savé ce che la int 'e pense des fêminis. E cui c'al piert al pajarà di bevi, ben s'intint...

E cun cheste i doi lârin e zene che la polente 'e fumave za sul taulir.

Dopo ve' discutût di formadi e di spòngie, di lens e di sir, te sere dopo, finît il consei, — 'e jere plene la stanze di sòzzios, — il casaro al jevà sù de so ciadree e riduzzànt al disè:

— No steit a ciapâmi per mat, ne par cioc se cumò us domandarai alc che al à ce fâ cu' la latarie tant che magari: 'o vès di savé dome che jo e Toni dai Cui onsera 'o vin fate 'ne scomesse. Duncie cui che di vuâtris nol è contènt de so fêmine c'al jevi in pins, se no 'i displàs....

Senze pensà tant parsôre a ché strambèrie, duc' i sòzzios 'e jevàrin sù in pins, cun t'un bacàn dal diaul.

Dome Zuan Salvadi l'ere restât sentât senze scomponîsi in t'un ciantòn tacât la pigne:

— Eco cà un omp che nol à pore di passà par pote mostrànt ce c'al pense! — berlà alore Toni dai Cui lant viars Zuan Salvadi — No ésal vêr mo, Zuan, che la vuestre 'e jé 'ne buine fêmine e che vo 'o sês contentòn di vèle? E che parchèl 'o sês restât sentât? — Cheste mo nô, mo, cheste mo nô, mo, veh!.... — 'i fasè cuintri dut sburlufit Zuan, come se lu vès becât 'ne giespe — 'E jé la giambate, invessit, che no jé buine, cause la fêmine che ûl curâmale, che 'l folc la trai, cemût che ûl je.... Vuei 'ne robe, domàn un'àtre e la giambate intànt mi va in malore ogni di piês, ogni di piês....

La scommesse

Pieri Barete, grant impresari fûr in Carinzie, al veve clamât a dovei un dai siei operaris, Toneât, parcè c'al veve ciapât sù la brute usance di scommeti simpri, cun duc', e par qualunque motif.

Sprofondât in tal so ciadreon, cu' la barete sul ciâf par no mostrâ la so spongione, paron Pieri al sberlave:

— Insome no capis jò, ce c'a seti di scommeti ogni di... No capis propi.... L'à di vèi reson il Deàn, tu às di vèi une rodele fûr di puest.

«Rodele fûr di puest?!.... al dis lui paron!.... ma qualche volte si scuén scommeti.... si scuén. Par esempi jo dis che lui al à in somp il ciâf un rizzûl grant come un fasûli e rôs come une flaurie.

— Ce?.... sestu daventât mat dal dut? o vustu che ti buti fûr pal balcôn!

«No.... nò, paron, ch'a si convinci: lui in somp il ciâf al à un rizzûl grant come un fasûli e rôs come una flaurie.

Paron Pieri, l'ere fûr di sè: menâlu pal boro in ché maniere! E l'ere sicûr ch'a nol veve rizzûi; ma jodint ché insistenze, 'i 'é vegnût come un dubit, tant che si passâ, cussi, distratamenti une man sore la barete, come par tastâ.... ma l'ere lisc encie masse lisc.

— Ben ciale mo Toneât, za che tu seis tant sicûr, scommetin dis florins.

«Buine la peraule, paron! jo, no ài tolèt monede cun mei, che sei vignût jù di corse... vûl di che se ves di piardi ju tegnareis denti su la pae.

Si dan la man e paron Pieri, al tire jù pa' prime volte la barete, e sbassant il ciâf come che Toneât al vès vût di spieilâsi denti:

— Cioè, mo, toc di mazzaròt, impare a scommeti, e j dis florins ju ten denti eh! cence remission.

E Toneât dut ridint:

«Ma ài vodagnât listès jò paron.... ài vodagnât listès dis florins.

— eh?....

«Po si si! parcè che nossere ài scommetût vinc' florins cul Deàn, che vorès fate tirâ jù la barete al gno paron.

Paluce,

FABIO BARBACETT

Se 'l Signôr al ûl!

'Ne di a binôre san Pieri al incuintrà jù pa' 'ne viote un mulinâr che cul ciapiel in bande e la giachete butade su lis spâlis, al ciaminave svelt e siviluzzant:

— Dulà vaiso po bon omp, cussì di estro za a binôre?... — 'i domandà san Pieri.

— Sagre nestre vuei, vieili... 'O voi a marciât te Vile, se propriit us interesse tant di savêlu — 'i rispuindê sfazzât chel âtri. — E rivât c'o soi là, sacrabôlt, 'o vuei comprâmi il pui biel mûs c'al è su la plazze. E montât a cavaloto 'o vuei tornâ dopo a ciase di corse...

San Pieri che nol podeve gloti la int plene di bôrie 'i disè alore:

— No si ciacare cussì, biât omp. In chest mont dut al dipënt de volontât dal Signôr e nò de nestre. Sichê duncie quanche vô 'o volês fâ alc comenzait intânt cul di: Se 'l Signôr al ûl... e 'o vedarês imò che dutis us laràn dretis. Mi vêso capit?...

Ma chel âtri senze scomponîsi de prèdicie, plui sbiro che mai, al zontâ:

— Cialait mo, vieili! Chi sot la ciamese 'o ài 'l tacuin e dentri 'e son i bês, là 'e jé la Vile e sul marciât al è 'l mûs. Crodeiso mo vô che al Signôr impuarti po tant dutis chestis nainis?

E senze di pui ne zeu e ne beu, il mulinâr al tirà vie pai soi fàs.

Rivât sul marciât si metè subite in vòre par ciatà la bête che pui 'i vès comodât, quanche in te confusion invessit un lari 'i puartà vie svelt il tacuin e dut ce c'al ere dentri. Nol ocòr tante imaginative par figurâsi cun ce grop sul stomi che 'l mulinâr dut scuintiât al ciapà su, sul tart, il troi di ciase.

E tornât a ciatà san Pieri — ma cheste volte 'l ere il sant c'al sghignizzave sot la barbate — senze piardi timp 'i là incuintri e al sclopà a di t'un flât, come par liberâsi di un gran peis:

— Se l' Signôr al ûl 'o soi stât te Vile e se 'l Signôr al ûl, cumò 'o torni ciase. Sul marciât, cussì 'l Signôr al à ulût, mi àn puartât vie il tacuin... E se 'l Signôr al ûl — e mai in vite sò il mulinâr al veve metude tante devossión tes sôs peraulis — che 'l folc lu sbregghi a flics il lari che mi à robât i bês...

RINALDO VIDONI

Il sotratif

Jacu Cunsidera l' è lât une di a Rîul e al viôt te strade une dindie bieie, grasse e al sint gole di vèie.

«M'a vendeiso, Miute, ché dindie?» al domande 'a parone che lavave su la roje.

— Dalmi cinc francs — e rispuint ché.

— I' la ciol pal farmacist; domènie vait sù a fâsi dâ i bész 'di lui. — E al va cu' la dindie.

Te domènie Miute e' va in farmacie par fâsi pajâ le dindie. Bisugne savè che Jacu a l' ere stât za dal farmacist a di che sarès vignude di lui so agne a fâsi fâ un sotratif. C'al stès atënt però parcè che e' jere une fêmine c'a capive póc.

— Sior spezziar — 'a dis Miute — 'i sei vignude pa dindie! Mi à mandade Jacu Cunsidera.

— Ah! Ah! — al dis il spezziar — veit pazienze un sol moment e po fasarin la vore.

Miute 'a spete, sigure di tirâ i bész. Finalmentri il spezziar al dis 'a vèie: — Vignit cà — e la clame dentri t'une stanze tignint in man l' imprèst par fâ il sotratif.

Miute 'a vose: — No ài bisugne di sotratif, jo, c'a mi pai le dindie! C'a mi pai!

— Il sotratif l' è za pajât!

Nol à nàncie badât a ce c'a diseve la pôre vèie savint ce che 'i veve dit Jacu.

Il spezziar a 'l jere fer di volè fâ il sotratif. Miute veve capit ormai che Jacu la veve ciolte in gir, e però 'a finis cul di: — Pluitòst di pierdi dut, fasin mai il sotratif!

Osóf

TONI FALESCHIN

Il telegram

Zuanût e Margarite, 'ai vevin finalmenti combinât il matrimoni, dopo tanc' agn: anzi jei, c'a ere a Rome a servi, 'ai veve mandât un telegrâm disinti c'a sarès rivade come in tal domàn cul treno das nûf.

A toli las valis 'a vorès vût di lâ Anute cul zei: ma fâ la sierge a cugnade davantrât. no 'i lave; cussl Zuanût. par no fâ un radi in famee, al veve tacât il mûs, e jû in stazion.

Veramenti, l'ere rivât masse ad ore pal treno, e il timp al sarès someât certamenti lunc se il mûs nol vès pensât a di-strâilu un pouc.

Di fàz, Zenzo al sameave un'ati in ché di.... nol ere bon di stà fer, al raspave par tiere, e cialànt jù viers la ferade, al mandave fûr il so ciant plen di passion, c'al meretave propit di rivâ fint in Paradis.

E plui Zuanùt 'ai dave e plui vites al faseve....

Quant che po al jodè a spuntâ il treno da lontàn, negozi c'a si spàsimi:

« haaaa.... haaa.... haaaara » (cara par toscàn, pareve ch'al ves det).

A Zuanùt 'ai lavin jù i sudôrs freiz, nome a pensâ che la besteate vès fat tegni mal apajade la so Margarite in miez di tante int.... e jù botes di sante resòn.

E chel âti par dute rispueste:

« haaa.... haaa.... haaaara » e cence pël di pudôr chel brut svergonzât....

Il zovin, nol saveve plui ce fâ; po, fûr di sè, di scat al giave il telegrâm c'al veve in ta sachete e metintjel sot il nâs:

— Il telegrâm, Margarite, ma l'à mandât a mi, capistu?!... migo a ti ve, macacât!

Puluce,

FABIO BARBACEIT

Un'altra de Barba Felice Fortunato

Aromai duc' i letours del nostre vècio Strolc, chi son mi-tanc' e spandûz par dut al mont, 'i àn l'onour da conosce Barba Felice Fortunato, Animabella: un gargnelût de pevre picànt, amic dal vin bon e dela legria, ma altretànt da lavorâ e da saveilles contâ cul peil in four...

Una fiesta, un om da Andreis, approfittànt de la so intelligenza e volint attribuisse la virtùt de « moralista », al tigni quatre ciàcheres in dan de che por fémenes che spès e volanteir 'i ge fai i « quars » ai sio' omi...

Quase un discòrs, basât, forse, su la sperienza.... discòrs che Barba Felice Fortunato Animabella 'a nol podè gloti tant facilmente.

Tu sbàlgie, « pàtria », 'a ge respundè, un puoc bisbètegu, tu sbàlgie!

La fémena ca ge fai i quars al siò om 'a-lu salva dal Infier. Parcèe?

Parcè che par zii al Infier bisugna passâ par una picela bocheruta, streta, streta, e cusi l'om c'al mour cui quars 'a

nol riès a passà e alora invece da zii al Infier al vòlta strada par eisse ricevùt in tal Paradis.

Eco, «pàtria», al gran beneficiu c'a ne dà la fémèna de chel genar: la vera fémèna c'a pensa par liè e pal siò om!

UGO PIAZZA

Andreis, ottobre dal '37-XV.

Lètare di sior Toni Ròs al siò avocat

Sig. dottore io spiego a lei le cose come se lei fosse il mio padrone ed io il succursale per in via dei miei fituali che hanno già cominciato le litigazioni dopo che sono senza biava. Perciò adesso ci capita il definitivo, perchè prima volevano funzionarmi la galetta, poi volevano schei; io non pretendo che una legge mi dia il mio *va bene*, bensì faremo la divida-zione dei frutti ma anche i conti; quando lori hanno tutte queste sopraffazioni fisiche, mi go già fatto tutte le mie pre-videnze; io non voglio pretendere il mio ideale ma loro devono lasciare la paglia e le canne a merito di quanto hanno trovato e se no andremo al termine. La paglia e le canne devono restare per la guarnigione del fondo; la paglia vecchia dell'annata la ho pagata io. Ma poi devo ancora congiungerghe che mi hanno bandonato la stalla e io ho dovuto fare un mescolo di grano e crusca per mantenere le bestie i ultimi quattro mesi; con di più loro mi devono un quarto del consumo dell'aquilotto, con di più 1360 lire di denaro imprestatato e la mità del frumento e patate da semina, più due quintali e 19 chili di biava; se non mi salvo adesso io perdo tutto perchè dopo non resta che la biava che è appena in nazione.

Io ne ho abbastanza della perdita della stalla, ma metà del grano e della crusca la devono pagare perchè hanno usufruttato di tutto l'usufrutto. Sono fituali che non hanno un ramo ideale di realtà, mentre io voglio dare la terra al cinquantino secondo il mio ideale.

Loro mi hanno anche profferito delle minacce e per queste anderò dal maresciallo perchè ho saputo dai suoi locali che razza di gente sono.

Per intanto sig. dottore di questo non ci stia a far parola ma solo ci scriva per in via del resto.

Spilimberc

per c.c. TORQ. LINZI

Il sensâr (di une volte)

Une ghigne c'al sclope di salût,
al sprezze d'ogni bande; ben tapât,
ros come un gial. S'impâr il vin bivût
tal nâs ruan, tal voli scocolât.

Le dà ad intindi a duc', le ûl al so mût;
al sberle te ostarie come un spirtât;
si smene cul bastòn, plen come un gût,
e al mange, al bēf a scroc ogni marciât.

Chì al è il paròn. Si bute fra i nemai,
cigànt a cui c'al crompe e a cui c'al vent
fra chei che spietin, fers, come cocai.

E al tire sù une code, po al ten strent
pe man un tizio; a fuarze di petai,
l'afâr 'l è fat, tra un o... e un sac...

P. MATION

Conseis

Cioli un zovin di panine
nol sarès un brut afàr
ma l'è miei par te, bambine
cioli un zovin butegàr.

Un agènt di piezzamente
nie ce di, l'è zentillin,
ma nol à ce che 'i covente
tal bombàs e 'l regadin.

Un agènt di mangiative
daür el banc l'à pi costrùt:
qualchi scae di bon formadi,
qualchi fete di pirsùt....

Jé la vite dolce e 'mare
va tal mût c'al va 'l distin:
tantis voltis nus prepare
l'amarèt e 'l pevarin.

E cumò fantate ciare
fàs secònt el to pinsir:
se no t'ús le vite amare
tire dòngie... un scaletir.

Viarse

TONI BAUZON

Vilotis

Ce ûso fâi se 'o sin batècui
a ciantâ simpri l'amôr
jé le cause che in mil sècui
no àn ciatât nuje di miôr.

La salût sole solete
po no baste, nò la fè:
l'ûl el pevar 'te sachete,
l'ûl el zucar 'tal cafè...

L'è tant' timp che mi tromenti
morosànt cun Jacumìn,
simpri al trame co 'l ven chenti,
come i vens tal ajarin.

Jo par chest uei maridâmi
cun chel zovin c'al vent pès:
soi sigure che a bussâmi
nol domande comparmès.

Hai screade le giachète
sul ciantòn mi soi plantât
jé passade in biciclète
no mi à nàncie saludât.

Oh, se fòs dis ains pi zovin,
oh, se an vès di mancul vinc'...
oh, se i mònts 'a si dismovin,
oh... se i crots e vessin dinc'...

SAGRIS DI DUT IL FRIUL

(Lis sagris plui grandis e' son stampadis in corsif)
(Cun fieste di bal: **b**; tòmbule: **t**; mùsichis: **m**; garis sportivis: **s**; divertimènz: **d**).

ZENÂR

1. *Circoncision dal Signôr — Internèp* (Bordàn) — *Merèt di Tombe*: perdòn des Quarantoris — *Morùz*: sagre a Sante Margarite.
6. *Pifanie — Cividât*: messe dal Spadòn — *Dole* (Idrie): la dom. dopo — *Tarcint*: sagre dal pignarûl (b. d.).
9. *II domènie — Solimbèrc* (Sequals): SS. Non di Gesù (d.).
17. *S. Antoni Abât — Barbeàn* (Spilimèrc) — *Basandiele* (Vivâr) — *Bordàn* — *Clènie* (S. Pieri dal Nad.) — *Colorèt di M. A.* — *Gnespolêt* (Lestizze) — *Gradis'cie di Spilimèrc* — *Miezemònt* (Pulcinic) — *Pocenie* — *Schitose* (Tramònz di sot) — *Sele di Ciaurèt* — *Tramònz di miez*: la dom. dopo.
20. *S. Bastian — Dignàn — Riulât — Rizzûl*.
21. *S. Agnès — Joannis — Trep di Ciargne* — *Rorai Pizzul* (Porcie): la dom. dopo.
25. *Conversion di S. Pauli — Braullins* (Trasaghis) — *Morteàn* — *Pasiàn di Pordenòn* — *Schuse* — *Tesis* (Vivâr).

FEVRÂR

2. *La Madone de cereole — Cividât*: te glésie dal Ospedâl — *Prossenic* (Taipane) — *Mont Urabis*.
3. *S. Blàs — Alturis — Aprât* (Tarcint) — *Avian* — *Cividât*, a *S. Blàs* — *Lauzzane* — *Lestizze* — *Maseriis* — *Merlane* (Trivignàn) (d.) — *Raspàn* (Ciassà) — *Scodevâcie* — *Sudri* — *Tierz di Aquilee* — *Coseanût* (Cosean).
9. *S. Polònie* — *Ciassà* (la dom. dopo) — *Liussûl*.
13. *S. Fòs'cie* — *Frisànc*.
14. *S. Valantin* — *Baracèt* (Cosean) — *Ciât* (Medùn) — *Cividât*: borc di S. Domeni — *Conoglàn* (Ciassà) — *Damâr* — *Artigne* (m. s. d.) — *Domanins* — *Fraforean* — *Godo* (Glemone) — *Grimà* — *Madone* (Buje) — *Manzàn* (la dom. dopo) — *Schuse* — *Segnà* (Tarcint) — *Somplât* (Ciavâz) — *Vissandòn* (Basilian) — *Zupite* (Reane) — *Vinal* (Lauc).
24. *S. Matie* — *Slope Zorzi*.
27. *Ultime dom. di carnavâl*: Mascarade di Remanzâs.

MARZ

1. *Ultim di carnevâl* — Mascarade di Orsàrie.
19. *S. Josèf* — *Avian* — Camigne (Cernizze) — Caprive — *Ciampets* (Pinzàn) — *Flaibàn* — *Manzàn* — *Montegnà* (Ciassà): la dom. dopo — *Percût* (Pavie) — *Pontebe* — *Porcie* — *Pradielis* (Tarcint) — *Roncis di Latisane* — *Taipane*.
20. *III dom. di Crèsime*: *Sagre di S. Filumene a Premariàs*.
25. *SS. Nunziade* — *Romàns dal Lusinz* — *Vilefrede di Segnà* (Tarcint) — *Ronchis di Latisane* — *Taipane*.

AVRIL

3. *Domènie di Passion* — *Gradis'cie di Sedean*: perdòn dal folc.
15. *Vinars Sant* — *Erto Càs*: procession famose che riprodùs la *Passion dal Signôr*. - Processions si fasin in quasi dutis lis paròchiis, di sere, cun iluminazion.
17. *Pasche* — *Migee*: sagre sul Cuel — *Rodeàn Alt* (Rivis d'Arcian): *Madone di Lourdes*.
18. *II. fieste di Pasche* — *Ciamplunc*: sagre a *S. Lenàrt* — *Cormòns*: sagre sul cuel di *S. Quirin* — *Fane*: *Madone di Strade* — *Medeuzze* (*S. Zuan dal Nad.*) (b.) — *Puljar*: fieste te grote di *S. Zuan d'Antri* - la sere bal a *Biaicis* — *Rualis* (*Cividât*) (àncie domàn) — *S. Marie la Lùngie* — *Udin* (*Prât di S. Catarine* (b. d.) — *Valnoncèl*.
19. *III. fieste di Pasche* — *S. Quirin* (*Cormòns*) — *Puzzui*: perdòn des 40 oris (procession e m.).
20. *Commemorazion dal Càrmini* — *Ribis* (*Reane*) — *Bicinins* (la dom. dopo) — *Idrie* — *S. Lenàrt*.
23. *S. Zorz* — *Aidüssine* — *Brazzàn* (*Cormòns*): la dom. dopo — *Cal di Cianâl*: la dom. dopo — *Preòn* (*Enemònz*) — *S. Zorz di Chions*: la dom. dopo — *S. Zorz de Richinvælde* — *Udin*: in bore di *Grizzàn*: la dom. dopo — *Lusèvare*.
24. *Otave di Pasche* — *Ciamplunc* — *Cividât*: il *Ciapitul* al va a *Madone di Mont* — *Claut* — *Cumierz* (*Majàn*) (d.) — *Gradis'ce dal Lusinz* — *Internèp* (*Bordàn*) — *Pradamàn*: fieste de *SS. Nunziade* — *S. Martin di Quishe* (b.) — *Taipoian* — *Montnere di Idrie*.
25. *S. Marc* — *Brazzàn* (la dom. dopo) — *Claviàn* (*Trivignàn*): la dom. dopo — *Cucane* (*Bicinins*) — *Lessi* (*Glemone*) — *Mortisins* (*Pertèulis*) — *Pasiàn* — *Raspàn* (*Ciassà*) — *Rubignà* (*Cividât*) — *Scodevâcle*: la dom. dopo (b. t. d.) — *Stevenà* (*Cianive di Sacil*): la dom. dopo — *Trep Grant*.
29. *Cis'cielgnûf*: *S. Liberâl*.

MAI

1. *Seconde dom. dopo Pasche* — *Ss. Filip e Jacum* — Moimàns (b. d.) — Roncis dai Legionaris — *Savorgnàn de Tôr* (sagre des jarbuzzis) — *Rèste* (b. d.) — Tramònz di sore: la dom. dopo — Vilegnove (S. Zuan dal Nad.) — Giàn (Cividât) — *Internèp* (Bordàn) — *Magnàn* — Rivis (Sedeàn): S. Gotàrt — *Romàns dal Lusinz*: « Bal dai pastòrs » o « sagre di mai » — Mels: sagre de S. Cròs.
3. *Invenzion de S. Cròs* — Batae de Bainsizze — *S. Cròs di Aidùssine*.
5. *S. Florian* — *Cerzuvint* — Marian: la dom. dopo (b. d.).
8. *II. dom. di mai* — *Aparizion di S. Michêl* — Cimolais — *Bagnàrie* (b.) — *Joannis* (b.) — *Visinâl* (Buri) (b.) — *Sapotòc* (Salone dal Lusinz).
15. *III. dom. di mai* — S. Salvadòr (Buje).
22. *IV. dom. di mai* — S. Nicolò (Rude) — Mels: sagre de glèsie a S. Salvadòr.
26. *La Sense* — Cividât: i parochians di bore di Puint e' van a Madone di Mont — Glemone: S. Agnès — Zui di Ciargne.
29. *Ultime dom. di mai* — Ciavàz di Ciargne: sagre de Madone — Gonàrs — *Pricinins*: S. Urbàn.
31. *S. Canzian* — Planine.

JUIGN

2. *Vile Visentine* (Rude).
3. *S. Tomàs* (S. Cròs di Aidùssine).
4. *Desce* (Salone dal Lusinz): S. Quirln.
5. *I. dom. di mai* — *Pentecostis* — Lauc (fieste tre dis): *Perdòn des Quarantoris* — *Liesse* (Grimà) — *Mainuzze* (Fare) — *Pulfar*: Sagre di S. Spirit — *S. Martin di Mossè* (bal).
6. *Udin*: in domo, benedizion dai flòrs su la tombe dal B. Bertràm.
12. *II. dom. di Juin* — *SS. Trinitât* — *Tarnove dal Lusinz* — Risàn — *Vile Santine* (Rude).
13. *S. Antoni di Pàdue* — Billane: S. Antoni (la dom. dopo) — Billie: S. Antoni (la dom. dopo) — Bordàn — Claurèt — Davai (Lauc) — Frisànc — Glemone: fûcs la villie — Manzàn: S. Antoni (la dom. dopo) — Migea (b) — *Palazzûl*: S. Antoni — Planine — *Porcie* (la dom. dopo): S. Antoni — *Raussèt* (S. Zorz de Richinvelde) — Sapade — *Trep di Ciargne* cun procession votive di chei di Tamau — Tresesin (la dom. dopo) — *Udin*: procession al Cârmini — Vilesantine — Zui — *Zuviet* (Ravasclêt) — Mon (Davâr) — Meis.
15. *S. Vit* — Maràn (procession lunc la lagune) — Paulâr — S. Vit dal Tinimènt.

16. *Corpus Domini* — Montaviarte (Taipane) — *S. Crôs di Aidüssine* (la dom. dopo).
19. *III. dom. di juin* — Tarpèz (S. Pieri dal Nadisòn): sagre des ciariesis.
20. *S. Margarite* — Sagre a S. Margarite (Morùz).
21. *S. Luis Gonzaghe* — *Arbe*: la dom. dopo — *Ruede* (Pulfar) — *Trave* (Lauc): la dom. dopo — *Udin*: procession a San Quirin (la dom. dopo).
22. *S. Acazi* — *Idrie*: grande fieste di S. Acazi protetôr des minieris (b. d.).
24. *S. Zuan Batiste* — *Barcis* (d.) — *Ciassà*: la dom. dopo — *Latisane* (b. d.) — *Pulcinic*: la dom. dopo — *Pulfar*: fieste te grote di S. Zuan d'Antri — *Remanzàs* — *Sacil*: a S. Zuan dal Templi — S. Zuan dal Nad. — *S. Zuan di Ciasarse*: la dom. dopo — *Terzimont* (Savogne) — *Vivâr* — *Porpêt*.
29. *SS. Pieri e Pauli* — *Alnù* (Morùz) — *Avile* (Buje) — *Badie di Rosazzis* (Manzàn) — *Bicinins* — *Cordenons* (t. d.) — *Cordovât* (b. d.) — *Dimpèz* — *Dobraulis* (S. Crôs di Aidüssine) — *Dolegnàn* (b.) — *Dolegne* — *Gabrovizze* — *Gargâr*: sagre dai strùcui e dal gnûf persût — *Giavòns* (Rivis d'Arcian): sagre dai giambars — *Locovizze* di *Cianâl* — *Majàn* — *Malisane* — *Ossècie Vitùje*: la dom. dopo — *Planine* — *Pocenie* (b.) — *Raune di Cis'ciel* (Cernizze Gurizzane) (b.) — *Romàns di Vâr*: sagre dai giambars — *Ruvigne* — *San Pieri dal Nad.* (b.) — *Scluse* — *Tarcint* — *Travès* (b.) — *Valvasòn*: la dom. prime o dopo de fieste, secònt c'al ven fissât di an in an (b. s. d.) — *Verzegnis* — *Vilegnove* (Fare dal Lusinz) — *Visc* (b.) — *Zul*.

LUI

2. *Visitazione di M. V.* — *Liussùl*.
3. *I. dom. di lui* — *S. Uldari* — *Cividât* (t. b.) — *Clauzèt*: Il *Perdòn* — *Cussignà* (Udin) (b.) — *Entesàn* (Colorêt di M. A.): sagre dai òmbui — *Flambrùz* (Rivignàn) — *Grau*: prucission pe lagune a Barbane — *Marignane* (Sest al Règhine) — *Maròn* (Brugnere) (b., casotos, d. àncie tal domàn) — *Muzzane* — *Osôf*: S. Colombe — *Pravisdòmini* — *Romàns dal Lusinz* (b., t.) — *Rude* — *Salt* (Povolêt) — *S. Duri* (Sacil) — *S. Zorz de Richinvelde*: sagre de Richinvelde — *Spesse* (Caprive) (d.) — *Topolò* (Grimà) — *Tresesin*: fieste di s. Luis.
10. *II. domènie di lui* — *Azzàn X* — *Dignàn* — *Prate di Pordenòn* — *Prossenic* (Taipane): S. Bonaventure — *Sacil*: sagre di S. Liberâl.
12. *SS. Ermàcore e Fortunât* — *Aquilee* — *Chions* — *Ciale* (Prepôt) — *Darte* — *Descle* (Salone dal Lusinz): la dom. dopo — *Precinins*: la dom. dopo — *Pulfar*: sagre a S. Spirit — *Ranziac* (la II. dom. dopo la fieste di S. Ermàcore; b. àncie il lunis dopo) — *Roverêt di Vâr*: sagre dai èmui —

- S. Stiefin* (Buje) (b., s., m., d.) — *Sapade* — *Savogne* (b.) — *Scrile* (S. Crôs di Aidùssine): sagre di S. Margarite la dom. dopo — *Udin*: fieste dai Patronos in Domo.
17. *III. domènie di lui* — *SS. Redentôr* — *S. Denêl* — Baracêt — Barc di Pravisdòmini — Bèrie (Rienbèrc) — *Bicinîns*: Madone dal Càrmini — *Cervignàn* (b. t.) — *Ciamplunc* — *Cordovât*: Madone dal Càrmini — *Cortâl* (Reane): sagre di s. Vicènz — *Dalès* (Trasaghis) — *Dolegnàn* (b.) — Driulasse (Teôr): perdòn dal Càrmini — *Fane*: Madone dal Càrmini — Goregne di Salone: S. Ermàcore — *Grimà*: S. Jacum (b.) — Lestizze: Madone dal Càrmini — Montdispin: S. Denêl — *Palme* (b. s.) — Palse (Porcie): sagre dal Càrmini — *Pulfar* — *Ravasciêt* — *Redone* (Tramonz di sore): sagre dai giambars — *Rivis d'Arcian*: sagre dal Càrmini — Ronche (Sacl) — *S. Denêl dal Friul* — *S. Laurinz di Sedean* — *S. Zuan di Pulcinic*: il Càrmini — *Susàn* — *Tramonz di Mèez*: la Madone dal Càrmini — *Udin*: procession de Madone dal Càrmini — *Variàn* (Pasiàn): S. Luis — *Vendoì* — *Visinâl* (Pasiàn di Pordenòn): perdòn dal Càrmini (b.).
20. *S. Margarite* — *Dolegne*: la dom. dopo — *Montnere*: la dom. dopo — *Sagrât*: sagre dal Redentôr (b. t. d.) — *S. Margarite* (Morùz) — *Sapade*.
24. *IV dom. di lui* — *Sedràn* (S. Quirin): sagre di S. Jacum — *Spilimbèrc*: Madone dal Càrmini.
25. *S. Jacum* — *Brugnere* — *Cordenòns*: la dom. dopo (b. c. fûcs, d.) — *Crauì* (S. Vit de Tôr): la dom. dopo — *Dol Grant* — *Jalmi* (Palme): S. Marie Madalene (b. d.) — *Liesse* (Grimà) — *Paluzze* — *Praturlòn* (Flum Venit) — *Savorgnàn* (S. Vit dal Tinimènt) (b. c. d.) — *Sedràn* (S. Quirin): la dom. dopo — *Slape Zorzi* — *Tamai* (Brugnere) — *Torean di Cividât* — *Ugovizze* — *Vacil* (Spilimbèrc) — *Vile Visentine*.
26. *S. Ane* — *Conoglàn* (Ciassà): la dom. dopo — *Gracove* — *Seravâl* — *Marie Zell* (Salone dal Lusinz): la dom. dopo — *Morùz* — *Sagrât*.
31. *Ultime di lui* — *Faedis*: S. Jacum.

AVÒST

3. *Invenzion di S. Stiefin* — *Gradis'ce di Sedean*.
5. *S. Svualt* — *Sauris*.
7. *I. domènie* — *Auzze* (Cianâl dal Lusinz) — *Belgrât* (Vâr): Perdòn dai polèz — *Brazzàn* (b.) — *Buje*: in Andreuzze — *Buri* (àncle il lunis): sagre dai polèz — *Fratine Lino* (Pravisdòmini) — *Pantianins*: Perdòn di S. Luis — *Perteulis* — *Resiute* — *Rodeàn Bas* (Rivis d'Arciàn): S. Antoni — *S. Vit de Tor* — *Tarnove* — *Val* (Reane): Madone de Salût — *Zirà* (Remanzâs): sagre dai polèz.

10. *S. Laurinz* — Batae de Bainsizze — Ciavolàn (Sacil): la dom. dopo — Ersèl in Mont — Fors Avoltris — Locavizze (Aidùssine) — Mersin (Pulfar) — *Palazzùl* — Roncis dai Legionàris — *S. Laurinz di Mosse* (b.) — *S. Laurinz di Sedeàn* — *Sauris* — Vacil (Spilimbèrc).
14. *II. domènie* — *Colorèt di M. A.*: la Madone de Cintùrie, cum prucission — Conoglàn (Ciassà): *S. Anè* — Cuelvilàn (Faedis) (b.) — Domanins (*S. Zorz de Richinv.*) — *Flaibàn*: sagre di *S. Filumene* — *Fors di Sot*: sagre de glésie — *Gòdie*: *S. Antoni* — Grions de Tor — Madris di Vâr: *S. Radegonde* — *Pradamàn* — *S. Cassàn de Livenze* — *Seveàn* (o.) — Vilès (Romàns dal Lusinz).
15. *Assunzion de Madone* — Aquilec: fieste titolâr de Basiliche — Atimis (b.) — Banie (Flum Venit) — Cesclàns (Ciavàz) — Ciampilunc — *Ciampmuèl* (Teòr) — *Cianàl dal Lusinz* — Ciassà — *Ciaurià* (Colorèt M. A.) — *Cimolais* — *Cisterne* (Coseàn) — *Comeglians* (b. d.) — *Dardago* (Budoe) — Dartigne — *Drèncie* — *Driolasse* (Teòr) — Fors di Sore — *Fare dal Lusinz*: sagre de Sunte e di *S. Roc* — Glemone — Lauc (b.) — *Morsàn dal Tajam.*: *S. Roc* — Moimans — *Montreâl* — *Orzàn* (Remanzàs) — *Palazzùl* (b.) — *Pinzàn* (b.) — *Plasencis* (Merèt) — *Pontebe* — *Porcie* (b., corsis, m., d., c.) — *Reane* — *Rèsie* (b.) — *Romàns dal Lusinz*: bal dai slors — *Sable grande* (S. Cròs di Aidùssine) — *S. Andràt dal Judri* (S. Zuan dal Nad.) — *S. Margarite* (Morùz) (d.) — *S. Vît de Tor* — Scrut (S. Lenàrt) (b.) — *Sest al Règhine* — Tolmìn — Torse — *Tramònz di Sot* — *Udin*: a Madone di Gràzie — *Udin*: sagre de Madone dai Agnui in Baldassarie — *Vigognùf* (Fontanefrede) (b.) — Viscòn: al Santuari de Madone di Strade — *Vivâr* — *Zirà* (Remanzàs).
16. *S. Roc* — *Ciasarse*: la dom. dopo — *Ciavàz di Ciargne* — *Lauc* — *Sable Grande* (S. Cròs di Aidùssine) — *Vierse* (Romàns dal Lusinz).
24. *S. Bortul* — *Basèt* (Chions): la dom. dopo — *Corve* (Azàn) — Erto Càs — Gris (Montreâl) — *Orgnàn* (Pasiàn) (b.) — *Roverèt in Plan* (b. p. d.) — *Scluse* — *Trasaghis*.
28. *IV. e ultime domènie* — Attimis: a mont Cròs — *Codèr* (Sedeàn) — Cormòns: perdòn de Cintùrie (b. la dom. dopo) — *Internèp* (Bordàn): perdòn de Cintùrie — *Manazzòns* (Pinzàn) — *Pasiàn* (perdòn de Madone) — *Poulèt*: sagre dai polèz (m., fûcs, d.) — *Risàn*: perdòn de Cintùrie — *Rubignà* (Cividât): sagre de angùrie sui pràz di *S. Eline* — *S. Marizze* (Vâr): perdòn dal cuful — *Segnà* (Tarcint): sagre de angùrie a *S. Eufemie* — *Seveàn* (Bagnarie) — *Udin*: procession de Madone al Redentôr — *Anduins*: *S. Bortul* — *Ciavenzàn* (Ciampilunc) — *Dilignidis* (Lauc) — *S. Zorz di Nojâr*: *S. Bortul* — *Tresesin*: sagre di *S. Filumene* (fûcs, m. b. d.).

SE TEMBAR

4. *I. domènie* — Basandiele — Bordàn e Internèp (un an par pais: chest an a Bordàn): sagre sul S. Simeòn, m. 1220 — *Ciampròs* — *Ciassà*: perdòn de Cintùrie — Cividât: il Ciapitul al va a Madone di Mont — Cormòns: tal domàn — *Coseàn* — *Dol Otelze* (Aidùssine) (b. cuc., c.) — *Feagne*: corsis dal mûs (b. d.) — *Gonârs* (b. d.) — *Paluzze*: sagre di plazze — *Prepôt* (b.) — *Pulcinic* — Scodevâcie — *Tierz* (Azzàn) — *Tresesin*: fieste dai ucel.
8. *Nativitât di M. V.* — *Atimis* — *Avian*: grande sagre a Madone di Mont, àncie la ville — *Bertiûl*: al santuari de Madone di Screncis — *Butinins* (Moimâns) (d.) — *Cechins* (b. d.) — *Ciamfuarmit*: perdòn dal Cûr — *Cianâl* dal Lusinz: sagre a Marie Zell la dom. dopo — *Ciassà*: sagre de Cintùrie — *Ciaurèt* — *Cions* — *Gradis'cie* (Spilimbèrc) — *Gradis'cie di Sedeàn*: Maternitât di M. V. — *Manià* (b., c., p., d.) — *Moncorone* (Salcàn) — *Nimis*: Madone de Planele: famose sagre cun duc' i divertimènz e cul bon vin di Ramandul — *Opeciasele*: la dom. dopo — *Paradis* (Pocenie) — *Pordenòn*: sagre al santuari des Grâziis — *Raviei* — *Rivis* (Sedeàn) — *S. Vit dal Tajamènt*: sagre a Madone di Rose — *Savorgnan de Tor*: fieste dal vin (d.) — *Teor* — *Tesis* (Vivâr) — *Trente* dal Lusinz — *Trivignan* (b.) — *Udin*: a Madone di Grâzie — *Vile Santine*: sagre a Madone dal Puint.
11. *II. domènie* — Vinai (Lauc).
14. *Esaltazion de S. Crôs* — *Ciasarse* — *Lestâns* (Sequals): la dom. dopo — *S. Crôs di Aidùssine*.
18. *III. domènie* — *Ciadunee* (Tumiez): Madone dai 7 Dolòrs — *Ciopris* — *Dartigne*: sagre dal Redentôr sul Quarnàn: m. 1372 — *Fauls* (Gonârs) — *Fontanefrede* (b. d.) — *Grimà*: S. Martin — *Merne* — *Merèt di Tombe*: sagre de Dolorade (la Madone 'e ven puartade la sere de ville de vècie glèsie dai Agostinians a la parochiâl) — *Morteàn* — *Perteulis* — *Paulâr* — *Pravisdòmini* (b., d.) — *Rienbèrc* — *Riverote* (Pasian di Pordenòn): sagre dal vin gnûf — *Roncis di Latisane* — *Staranzàn*: sagre des razzis — *Trep di Ciargne* — *Udin*: pruceission de Madone dai 7 Dolòrs a lis Grâziis — *Cosean*.
25. *IV. domènie* — *Ciateons di Strade* — *Costne* (Grimà): S. Matie — *Ersèl in Mont* — *Felèt* — *Feletis* (Bicinins) — *Flum Venit* — *Joannis* — *Quals* (Reane) — *S. Zuan dal Nadisòn* (b.) — *Sedeàn* (b. t. d.) — *Spilimbèrc*: sagre a l'Ancone — *Uelis* (Manzàn) — *Zul*: S. Luis.
29. *S. Michèl* — *Arbe* — *Biliris* (Magnàn) — *Ciampmuèl* — *Cianùs* (Vile di Vâr) — *Merèt di Tombe* — *Pescincane* (Flum Venit) — *S. Denèl dal Ciaris*.

OTUBAR

1. *S. Remigio* — *Ciavàz gnûf*: la dom. dopo.
2. *I. domènie* - *Rosari di M. V.* — *Arbe* — Bòrdàn — *Ciavàz Gnûf*: *S. Remigio* patron de paròchie — *Clauzèt* — *Colorèt* di Prât — *Cordenòns* — *Cordovât* — *Cosean* — *Artigne* — *Dimpèz* — *Fors Avoltris* — *Fors di Sot* — *Lauc* — *Liesse* (*Grimà*) — *Locovizze* di *Cianâl* — *Madris di Vile di Vâr* — *Moimàns* (d.) — *Pantianins* — *Poz* — *Pricinins* — *Puzzui* — *Raspàn* (*Ciassà*) — *Ravose* — *S. Denèl dal Ciars* (b. d.) — *Tor di Pordenòn* — *Travès* — *Tramòns di Sot* — *Trep di Ciargne* — *Turide* — *Verzegnìs* — *Mels*.
9. *II. domènie* — *Bicinins*: *sagre de Glésie* — *Cisterne* — *Codugnèl* (*Colorèt di M. A.*): la *Madone de Fuee*, cun prucission — *Craù* (*S. Vit de Tor*): *sagre de vendeme* — *Dobre* (*Biliane*): *sagre dal licôf* — *Gradis'cie di Sedeàn*: *Maternitàt di M. V.* — *Magnàn in Riviere*: *pardòn dal Rosari* — *Manzàn* (b. d.) — *Palme*: *S. Justine* (*corsis*, t., b.) — *Pradamàn* (b.) — *Prate di Pordenòn* — *Rorai Grant* — *S. Foche* (*S. Quirin*) — *Siviàn* (*Rivignan*): *sagre de pignate* — *Tavagnà* — *Udin*: *Madone dal Rosari a Laipà* — *Valerian* (*Pinzàn*) — *Vergnà* (*Reane*) — *Vile di Verzegnìs* — *Vileuarbe* (*Pasiàn*): *Madone dal Rosari* — *Vilute* (*Cions*).
15. *S. Tarèsie* — *Aidùssine* — *Idrie*.
16. *III. domènie* — *Bresse* — *Ciamin di Buri*: *sagre dai ucei* — *Ciarèt* (b. d.) — *Dolegne*: *sagre de ribuele* — *Fare dal Lusinz*: *sagre de vendeme* — *Grions di Sedeàn* — *Osòf* — *Paludee* (*Cis'cielgnûf*): la *Madone de Pàs* — *Pulfar*: *San Luche* — *Riverote* (*Teór*) (b.) — *Rizzùl* (*Reane*): *Madone dal Rosari* — *Teór* (b.) — *Tombe di Merèt*: la *Madone de Salùt* — *Trep Grant*: *perdòn dal Rosari* — *Vilegnove* (*Prate di Pordenòn*).
23. *IV. domènie* — *Bagnarole* — *Bileris* (*Magnàn*) — *Buje* (p. b. pe clase di Ricovar: àncie tal domàn) — *Cividât*: *fieste de B. Benvignude Bojane te glésie di S. Pieri dai Volz* — *Feletis* — *Flaibàn*: *perdòn dal Rosari* — *Gris* (*Bicinins*) — *Osòf*: *S. Justine* — *Rèsie* — *S. Quirin*: *Madone de Salùt* — *Sedàn*: *Madone di Lourdes* — *Silvele* (*S. Vit di Feagne*).
28. *S. Simòn* — *Codroip* (27, 28, 29): *casotos*, d., ecc.
30. *Ultime domènie* — *S. Quirin*: *Madone de Salùt* — *S. Zuan dal Nadisòn* (b.).

NOVEMBAR

1. *Duc' i Sanz* — *Rivignàn*: àncie tal domàn (b.) — *Mels*.
4. *S. Carlo* - *Fieste de Vitòrie* — *Cisèriis* — *Dael* — *Ravasclet*.
8. *Cianâl dal Lusinz*: *S. Martin*.
11. *S. Martin* — *Auzze* (*Cianâl dal Lusinz*) — *Baracèt* (*Cosean*) — *Barc* (*Pravisdolini*) — *Cerzuvint* — *Cividât* (*casotos*,

- b., d.) — Clauzèt — Cuar di Rosazzis — *Fane* (d.) — Gàbrìe (S. Denèl dal Ciars) — *Internèp* (Bordàn) — *Latissane* (b.) — Montnere (Idrie) — Ossècie Vituje: la dom. dopo — Pinzàn — Quargnùl (Porpèt) — *Resiute* (àncie tal domàn) — *Romàns dal Lusinz*: b. la dom. dopo — S. Laurinz di Mosse (b.) — S. Martin (Montreàl) — S. Martin dal Ciars — *Savalòns* (Merèt di Tombe) — Savogne dal Lusinz — Ciasotis (Risàn).
13. *II domènie* — Mels: sagre di S. Luis cun procession.
19. *S. Lisebete* — *Romàns dal Lusinz* (b.).
20. *III domènie* — *Ciassà*: S. Valantin.
21. *Madone de Salùt* — *Basèlie* (Spilimbèrc) — Bordàn — *Cis'celgnùf* — Dardago (Budoe) — *Darte* — Dignàn — Fors di Sore — Fraforeàn — Nearèt (Coseàn) — *Palazzùl*: sagre de Madone ogni 5 ains: 1930-35-40 ecc. — Risàn — *Sequals* — Tiez (Azzàn) — *Tramonz di Sore* — Vilote (Cions).
25. *S. Catarine* — *Udin*: in zardìn grant (casotos, d. ecc.).
27. *IV. domènie* — *Prime di Avènt* — *Cisterne* (Coseàn) — *Montegnà* (Ciassà) — *Silvele* (Feagne).
30. *S. Andree* — *Atimis* (d.) — *Ciasteòns di Zòpule* — *Erbèz* (Pulfar) — Grions di Sedeàn — *Gris* (Biccinlins) — *Opeciasele* (b. d.) — *Pasian* — *Ranziàn* (Cianàl dal Lusinz) — *Venzon* — *Zuvièl* (Ravasclèt).

DICEMBAR

4. *S. Bàrbare* — *Culture* (Pulcinlins) — *Idrie* — Ossècie Vituje: la dom. dopo — *Taurian* (Spilimbèrc).
5. *I. Iunis dopo S. Andree* — *Gurizze*: sagre e fiere di S. Andree cun grant concòrs di int e divertimènz di ogni fate.
6. *S. Nicolò* — *Comeglians* — *Crede* — *Liussùl* — *Rodeàn Bàs* (Rlvis d'Arcian).
8. *L'Immacolade Conceziòn* — *Budoe* — *Ciampmuel* — *Cuje* (Tarcint) — *Gòdie* (Udin) — *Pantianins*: la Madone 'mericane — *Sornic* (Dartigne) — *Taipane* — *Trep di Ciargne*.
13. *S. Lùssie* — *Budoe* — *Casiac*: la dom. dopo — *Darte* — *Glemone* — *Lauc*: la dom. dopo — *Raspàn* (Ciassà) — *S. Lùssie di Tolmin* — *Sedillis* (Tarcint) — *Udin*: sagre al Redentòr — *Venzon*: sagre te glesiute di S. Lùssie — *Zuvièl* (Ravasclèt).
21. *S. Tomàs* — *Scrile* — *Vinai* (Lauc).
26. *S. Stiefin* — *Cesclàns* (Ciavàz di Ciargne) — *Gradis'cie di Spilimbèrc* — *Leupe* (Cal di Cianàl) — *Salcàn* — *Vipau*.
27. *S. Zuan Vanzeliste* — *Magnàn*: sagre de glèsie.
28. *I Sanz Nocènz* — *Bordàn* — *Ciadunee* (Tumiez) — *Tresesin*.
31. *S. Silviestri* — *Opeciasele* (b. t.).

MARCIÂZ GRANC' E PÌZZUI

di dut il Friûl par l'an 1938

cu la popolazion efetive di ogni Comune e l'indicazìon (p)
se jé la pese pùbliche

- *Aidùssine* (ab. 6674) — Ai 10 di zenâr, fevrâr, marz, avrîl, mai, lui, avòst, setembar, novembar e dicembar; ai 24 di juin e ai 15 di otubar: cereai e marcanziis. Se colin di domènie, il lunis dopo (2 p.).
- *Ampiez* (ab. 2272) — Il II lunis di mai: nemai e marcanziis (pese).
- *Aquilee* (ab. 9388) — Il lunis de Setemane Sante; ai 12 di lui (S. Ermacore); il lunis denànt Nadâl: marciâz granc' (p).
- *Artigne* (ab. 4985) — Secònt lunis dal mès: nemai e marcanziis.
- *Atimis* (ab. 4000) — Il 30 di nov.: marcanziis e barachis (p).
- *Avian* (ab. 9782) — Ogni III miarcus: nemai e marcanziis (p).
- *Azzàn* (ab. 9808) — Il II lunis di lui: nemai e marcanziis — Duc' i lunis: nemai, ciavai, mus, marcanziis, purciz, panine. Il 22 di nov. a Tiez: nemai e marcanziis (3 p).
- *Bergogne* (ab. 1888) — I joibe di avrîl e di otubar: panine, imprèsc' di contadin e marcanziis di ogni genar.
- *Brugnere* (ab. 5313) — A Maròn, il lunis dopo la I domènie di lui e di otubar: nemai, ciavai, etc. (p).
- *Budoe* (ab. 2776) — A Dardago la I dom. di set.: marciât di pioris.
- *Buje* (ab. 11750) — Ogni II e IV lunis dal mès: nemai, marcanziis, etc.; il 12 e 13 di lui: grans, marcanziis (p).
- *Buri* (ab. 2527) — I domènie di mai e il lunis dopo: Fiere campionarie interprovinciâl dal vin (p).
- *Cernizze Gurizzane* (ab. 2900) — La domènie dopo dai 15 di juin.
- *Cervignàn* (ab. 6554) — Il I lunis dopo S. Martin (11 di nov.) — Dutis lis joibis: grans e marcanziis; ogni I joibe dal mès ance nemai (se colin di fieste, la zornade dopo) (p).
- *Chiaicis* (Verzegnis, ab. 1817) — I dom. di setembar (p).

- *Chions* (ab. 5370) — A Vilote il lunis dopo la II domènie di otubar (p).
- *Ciago* (Medùn, ab. 2582) — Marciât grant di S. Valantin (14 fevrâr). Pese a Medùn.
- *Cianal dal Lusinz* (ab. 4368) — Ai 19 di marz; il lunis denant la fieste di S. Martin (11 di nov.): marcanziis, imprêsc' di len di ogni genar, purciz (p).
- *Ciasarse* (ab. 6500) — Il II e IV miarcus di ogni mês. Pese a Ciasarse e a S. Zuan.
- *Ciaurèt* (ab. 6420) — Ai 19 di marz, 13 di juin, il I lunis dopo S. Martin: marcanziis (p).
- *Circhine* (ab. 8213) — Ai 25 di avrìl (S. Marc) e ai 26 di lui (S. Ane): marcanziis; la I dom. dopo S. Martin (11 nov.) (p).
- *Cis'cièl di Rienbèrc* (ab. 3754) — S. Uldari (la domènie dopo il 5 di lui) — dutis lis domèniis dopo lis Quatri Timporis (il plui important in autùn); imprêsc' par contadini, e specialmentri par produtôrs di vin, come solforatricis, botis, tinazzis, etc.
- *Cividât* (ab. 11584) — Martars e jolbe: pomis a l'ingruès — dutis lis sàbide: nemai e marcanziis — l'ultime sàbide dal mês: ciavai — 11 di novemb. (S. Martin): marciât grant — prime sàbide e prime domènie di avrìl: ciavai e mostre di finimènz e carozzis.
- *Clausèt* (ab. 1849) — S. Valantin (14 di fevr.). Perdòn (la dom. dopo la Sense); I dom. di lui e I di ot.: marciâz granc' — dutis lis domèniis dal an: marciâz pizzui (pomis, verduris, creps, etc. (p).
- *Clàut* (ab. 2230) — S. Zorz (23 di avrìl) e S. Gotàrt (8 di setemb.).
- *Codroip* (ab. 14563) — S. Simòn (27, 28 di ot.): nemai, ciavai, bûs e ogni genar. Duc' i martars: purciz, pioris e marcanziis. Martars e sàbide: polàm. Il I e il III martars di ogni mês: nemai, ciavai, pioris, marcanziis (se colin di fieste, la zornade dopo) (p).
- *Comelians* (ab. 1885) — Il prin dal an; S. Nicolò, il 6 e 31 di dicembar; il 31 di otubar: nemai e marcanziis (p) — San Florian (4 di mai); marciât a Povolâr.

- *Cordovât* (ab. 2867) — S. Josèf (19 di marz) e Madone di setembar (9 di set.), S. Michêl, 29 di set.: nemai, marcanziis, etc. (se colin di fieste, la zornade dopo) (p).
- *Cormòns* (ab. 8227) — Fiere di S. Zuan (25 di juin). Il lunis dopo la I domènnie di set. (perdòn de Cintùrie). Miarcus e vinars di ogni setemane: pomis, grans, marcanziis. Il I vinars di ogni mès: nemai, purciz, etc. In juin, ogni di, marciât des ciariesis; in setembar e otubar, ogni di, marciât de ùe (p).
- *Daël* (ab. 2184) — Ai 4 di nov.: nemai, grans e marcanziis (p).
- *Damâr* (ab. 1263) — S. Valantìn (14 di febr.): duc' i genars.
- *Darte* (ab. 4842) — 12 di lui: marciât grant di S. Ermàcore; 13 di dicembar (S. Lùzie): nemai e marcanziis.
- *Davâr* (ab. 3383) — Il II lunis di ot. e S. Martin: 11 e 12 di nov.: nemai e marcanziis (p).
- *Dimpèz* (ab. 2413) — Il II lunis di mai: nemai e marcanziis; ai 29 di juin: marcanziis; ai 9 di setembar: nemai e marcanziis. Se chest al cole di domènie, la zornade dopo (p).
- *Dogne* (ab. 1044) — Ai 10 di avost e ai 6 di novembar: marcanziis.
- *Dol Otelze* (Aidùssine: ab. 6203) — Ai 25 di mai e la prime sàbide di setembar: nemai e marcanziis. Pese in Aidùssine.
- *Enemònz* (ab. 2315) — Ai 12 di lui: marcanziis; il lunis dopo la I dom. di ot.: nemai e marcanziis.
- *Duin* (ab. 4632) — S. Zuan, 24 di juin: ciavai.
- *Feagne* (ab. 8721) — Il II martars e la IV joibe di ogni mès: nemai, purciz, etc. (se colin di fieste, la zornade dopo) (p).
- *Flaibàn* (ab. 2200) — La II joibe di ogni mès: nemai — Viodi: S. Duri.
- *Fors Avoltris* (ab. 1454) — Il 27 di ot.: nemai, ciavai, pioris, ciavris, etc. (p).
- *Fors di sore* (ab. 1767) — Il 21 di nov.: nemai, panine e marcanziis, etc. (p).
- *Fors di sot* (ab. 1717) — La joibe dopo la III dom. di ot. (p).
- *Gargâr* (ab. 3073) — Fiere di nemai ai 9 di set.
- *Glemone* (ab. 12231) — S. Blàs, 3 di fev. e ai Sanz, 2 di nov.: nemai etc.; — S. Antoni, 13 di juin: marcanziis. Il I e II

- vinars di ogni mès: nemai, etc.; — dutis lis domèniis: marcenziis (p).
- *Gradis'ce dal Lusinz* (ab. 4034) — S. Bastian, 20 di zenâr: nemai etc. Ogni martars e sàbide: pomis, semenziis, grans, foràgios (p).
- *Grado* (ab. 6036) — La I e III sàbide dal mès — Durant la stagion dai bagnos: la ùltime sàbide dal mès.
- *Gurian* (Comen: ab. 5575) — Ai 12 di lui: grans e marcenziis.
- *GURIZZE* (ab. 49.239) — Marciât grant di S. Ilari dal 16 di marz — marciât grant di S. Bortul ai 24 di avòst — di S. Michêl tal lunis dopo il 19 di set., — di S. Andree tal lunis dopo il 30 novembar par 8 dis. I marciâz granc' di S. Ilari e di S. Bortul a scomenzin te zornade dopo se la di dal Sant a cole di domènie. La seconde e ùltime joibe di ogni mès (o la di dopo se jè fieste): nemai e marcenziis (p).
- *Idrie* (ab. 10705) — Il miarcus di Pasche; il 21 dec.: marciâz granc'. — Il 16 di mai, il 15 di ot. e il 4 di dic.: nemai e mercenziis. — A *Idrie di Sot*: il 17 di marz, il 5 di mai, il 16 di avòst, il I lunis dopo la I. dom. di ot., l'11 di nov.: nemai e marcenziis (p).
- *Laglèsie* (Pontebe: ab. 348) — La I dom. di ot.: marciât grant.
- *Latisane* (ab. 9243) — La di dopo S. Zuan (25 di juin); — S. Jacum, 25 di lui; S. Bartolomio (24 di av.) — San Matio, 21 di set.; — S. Martin, 11 di nov. — Ogni miarcus: grans, panine, marcenziis, nemai, ciavai, pioris, etc. (p).
- *Majàn* (ab. 5874) — La II joibe di ogni mès: nemai (p).
- *Manià* (ab. 6433) — Il lunis sant, marciât dal Ulif; — il lunis plui tacât a S. Jacum (25 di lui) e a S. Maur (21 di nov.). Ogni lunis: grans, marcenziis, nemai (p).
- *Maràn* (ab. 2035) — Ogni di marciât dal pès.
- *Martignà* (ab. 4652) — L'ùltin martars di ogni mès: nemai (p).
- *Medùn* (ab. 2671) — Ultime dom. di set.: marciât grant — dutis lis domèniis (p).
- *Migee* (ab. 1216) (Cormòns) — Ai 13 di juin: marcenziis; dal 15 di juin al 15 di nov.: pomis e verdure (p).

- *Monfulcòn* (ab. 18202) — S. Antoni, 13 di juin: S. Nicolò, 6 di dec.: zujàtui, bombòns, etc. — Ogni III miarcus dal mès: panine, marcanziis (p).
- *Montdispin* (ab. 4097) — Ai 15 di set.: marciât di nemai.
- *Montnere d' Idrie* (ab. 3068) — Ai 24 di avrìl e tal I lunis dopo il 8 di setembar: nemai e marcanziis; I domènie dopo S. Margarite (13 di lui) e I dom. dopo S. Martin: grans e marcanziis.
- *Morsàn dal Tajament* (ab. 4230) — Prin lunis di marz e di setembar: nemai e marcanziis (p).
- *Morteàn* (ab. 5610) — S. Pauli, 25 di zenâr — Duc' i miarcus: polàm, verduris, marcanziis — Il II e ultin miarcus dal mès: nemai, ciavaì, ploris, etc. (p).
- *Mosse* (Caprive: ab. 4359) — Il I martars di ogni mès: nemai.
- *Muez* (ab. 4228) — S. Josèf, 19 di marz; — Madone de Salût (21 nov.).
- *Nimis* (ab. 4405) — Madone di set. (8 di set.) — Il II lunis di ogni mès: nemai, marcanziis (2 p).
- *Osòf* (ab. 3920) — Il I lunis di ogni mès: grans e marcanziis. — Il lunis dopo la I domènie di lui: fiere di S. Justine — il lunis dopo la III dom. di otubar (p).
- *Palazzùl* (ab. 3249) — S. Antoni di juin (13), S. Laurinz (10 di avost), la dom. dopo.
- *Palme* (ab. 6504) — Duc' i lunis: marciât di nemai — Duc' i lunis di otubar, fûr che il prin: fiere di Sante Justine — Duc' i lunis e i vinars: marcanziis (p) — Pese àncie a Jalmic e a la Stazion dal treno.
- *Paluzze* (ab. 3653) — Il IV lunis di marz, set. e nov.; — il IV martars di mai e di ot.; S. Jacum, 25 di lui; — S. Ane, 26 di lui; — la I domènie di set.: sagre di plazze (p).
- *Pasian* (Basilian: ab. 5553) — Il 30 di nov. — Il III lunis di ogni mès (p).
- *Pasian di Pordenòn* (ab. 8284) — Il I e II vinars di ogni mès: nemai e polàm (p) — a Cechins, marciât di nemai il II martars di avrìl — A Riverote, marciât di nemai il IV lunis di setembar (p).
- *Pavie* (in *Percût*) (ab. 5134) — Prin vinars dal mès: nemai. Pese a Pavie, Percût e Rlsàn.

- *Plez* (ab. 4213) — Ai 19 di marz e la I dom. dopo il 4 di lui: marciâz granc' (p).
- *Pontebe* (ab. 4022) — S. Josèf, 19 di marz; — Madone di set., 8, 9, di set.: nemai, marcanziis, fiaramente, imprèsc' di cusine.
- *Pordenòn* (ab. 23337) — Ogni sàbide: nemai e marcanziis; — prime sàbide di mai (S. Gotàrt), II sàbide di novembar (S. Martin): marciâz granc' (p).
- *Postùmie* (ab. 6692) — Il 24 di avòst; il 18 di ot. — il 3 di decembar. — Ogni prin di mès.
- *Poulèt* (ab. 4726) — IV dom. di avòst: marcanziis (p).
- *Povolâr* (ab. 245) (Comelians) — Ai 4 di mai: nemai e marcanziis (pese a Comelians).
- *Prate di Pordenòn* (ab. 5058) — Il I martars dal mès: nemai polàm, cunins, purcis, ecc.
- *Pravisdòmini* (ab. 3436) — Il IV lunis di fev.; il IV vinars di setembar: nemai e marcanziis (p).
- *Prossèc* (Prov. di Triest) — Fiere di S. Martin (11 di nov.).
- *Pulcinic* (ab. 4336) — La I dom. di setembar: marciât di zeis. Pese a S. Zuan.
- *Ranzian* (ab. 3333) — S. Ermàcore (12 di lui): la II dom. e il lunis dopo: marciât grant. Il prin lunis di set.: nemai e marcanziis (p).
- *Ravascièt* (ab. 1452) — Il lunis dopo lis Pentecostis (marciât di S. Spirit): grans nemai e marcanziis.
- *Rèsie* (ab. 3114) — Prin di mai — Madone d'avòst: ciaris, pioris, marcanziis; — ùltime domènle di ot.
- *Resiute* (ab. 838) — 2 di avòst — S. Martin, 11 e 12 di nov.: marciât di plazze.
- *Rienbèrc* (ab. 4200) — La I dom. dopo S. Uldari (4 di lui) e ogni dom. des Quatri Tîmporis: grans e marcanziis.
- *Riulât* (ab. 2135) — La III dom. di zenâr (fieste dal Eam-bin) e l'ùltime dom. di lui: genars e marcanziis.
- *Rivignàn* (ab. 4229) — Ai Sanz e ai 2 di nov. — Duc' i lunis: polèz, blave, marcanziis — il III lunis dal mès: ance nemai (p).
- *Romàns dal Lusinz* (ab. 4308) — S. Elisabete 19 di nov.:

- nemai, marcanziis etc. (Se al cole di fieste si fâs la zornade dopo) — Il IV martars di ogni mës: nemai (p).
- *Ronzine* (ab. 625) (Cianâl dal Lusinz) — S. Marc: marcanziis — Ai 30 di nov. (S. Andree): marciât grant.
 - *Sacîl* (ab. 12000) — Ogni joibe: nemai e marcanziis (se la joibe 'e cole di fieste, il marciât si antizipe di une zornade) — Il I di setembar: marciât di ucei e di argains par oselâ (pese).
 - *S. Crôs di Aidùssine* (ab. 3194) — 5 di fevr. — Il lunis dopo il Corpus Dòmini; — il 14 di set., il 5 di nov.: nemai e marcanziis. Pese ance a Dobràulis.
 - *S. Denêl dal Ciars* (ab. 2080) — Ai 7 di zen., 21 di fevr., 21 di mai, 30 di juin, 22 di avòst: nemai. (Se colin di dom., la zornade dopo) (p).
 - *S. Denêl dal Friul* (ab. 7740) — Il III miarcus di ogni mës: nemai — duc' i miarcus: grans, panine, marcanziis — Il miarcus plui vicin ai 28 di avòst (2 p).
 - *S. Duri-Flaibàn* (ab. 1822) — A Flaibàn, la II joibe di ogni mës: nemai.
 - *S. Lùzie di Tulmin* (ab. 5385) — S. Valantin, 14 di fevr., il prin lunis dopo Pasche e dopo lis Pentecostis; — la domènie dopo di S. Jacum (25 di lui) — la dom. dopo di S. Simòn (28 di ot.); — S. Lùzie, 13 di dic.: in duc' panine, imprèsc' di contadin, marcanziis (p). Se S. Valantin, S. Jacum e S. Simòn 'e colin di domènie, il marciât si traspuarte te domènie dopo. Te frazion di Mont San Vit, marciât grant ai 19 di marz, ai 15 e ai 29 di juin (p).
 - *S. Pieri dal Nadisòn* (ab. 3039) — Marciât la dì di S. Pieri (29 di juin).
 - *S. Vit dal Tajamènt* (ab. 12874) — S. Nicolò, 5 e 6 dicembar; 12 e 13 di juin (S. Antoni); prin vinars dal mës; tiarz vinars di zenâr, fevrâr, marz, otubar, nov. e dicembar: nemai. Se colin di fieste, si antècipin di une zornade. Ogni vinars: purciz, pioris e marcanziis (p).
 - *S. Vit di Vipau* (ab. 2548) — Ai 14 di marz, 15 di juin, e 20 di nov.: nemai, grans e ogni genar di marcanziis (p).

- *S. Zorz de Richinvelde* (ab. 5192) — Prin miarcus di ogni mès: nemai.
- *S. Zorz di Nojâr* (ab. 9762) — Dutis lis domèniis: marcanziis (p).
- *Sapade* (Cjaduvri) (ab. 1344) — III lunis di mai e IV lunis di otubar: nemai.
- *Sauris* (ab. 750) — Ùltime dom. di mai: nemai.
- *Scluse* (ab. 2162) — La domènie prime di S. Valantin (14 di fevr.), di S. Bartolomio (24 di avòst) e di S. Michêl (29 di set.): nemai, formadi e marcanziis.
- *Sest al Règhine* (ab. 6420) — La IV sàbide di zenâr, marz, mai, lui, setembar e novembar (p). — A Bagnarole il II martars di avrîl e il IV martars di ot.: marciâz granc'.
- *Soclêf* (ab. 2580) — Ai 25 di avrîl e l'ùltime sàbide di otubar: nemai (p). A *Medis* il 24 di mai: nemai.
- *Sònzie* (ab. 1078) — Fiere di S. Josêf (19 di marz).
- *Spilimbèrc* (ab. 9397) — S. Roc, 16 di avòst; — ~~Madone~~ dal Rosari (il prin lunis di otubar) — Ogni sàbide: marcanziis; — ogni lunis di marz, avrîl, mai e il I e III lunis dai altris mès: marciât grant (p).
- *Stùrie des Fusinis* (ab. 554) (Aidùssine) — Il I di fevr., il lunis dopo l'Otave di Pasche e il miarcus dopo la prime domènie di otubar: nemai e marcanziis. Pese in Aidùssine.
- *Sute* (ab. 559) (Comèn) — Il I di setembar: grans e marcanziis.
- *Talmassòns* (ab. 5002) — A Flambri marciât grant di San Filiz il lunis dopo la III dom. di nov. (p).
- *Tarcint* (ab. 12061) — S. Pieri 29 di juin — Il Vinars Sant — I dom. di otubar — Ogni lunis, miarcus, vinars e dom. mercanziis, pomis, etc.; — il III lunis di ogni mès: nemai (p).
- *Tramònz di Sore* (ab. 1821) — Ai 21 di novembar (Madone de Salût): marcanziis. A *Clèvolis*, ai 29 di juin (S. Pieri): marciât grant. A Redone, la III dom. di lui (Càrmini): marciât grant.

- *Travès* (ab. 2683) — S. Pieri, 29 di juin — I dom. di otubar — S. Lùzie (13 di dic.) — Dutis lis joibis e lis domèniis: marcanziis (p).
- *Tresesin* (ab. 5630) — Marciât dai ucei la I dom. di set. — Il I lunis e III martars dal mès: nemai, ciavai, purciz, pioris, etc. — Dutis lis domèniis: polàm, genars e marcanziis — Ultime dom. di avòst: esposizion e marciât di polàm e altris bèstiis di curtil (p).
- *Tulmìn* (ab. 6884) — Il II lunis di ogni mès: marciât grant — ai 23 di avrìl, la I dom. dopo il Corpus Domini, ai 21 di setembar: marciâz granc' di genars e marcanziis (p).
- *Tumiez* (ab. 7000) — Marciât grant dai Sanz: I lunis di novembar — Marciât grant di marz: I lunis di marz — Ogni lunis: nemai e marcanziis.
- *UDIN* (popol. efetive ab. 66488) — Prime e tiarze joibe di ogni mès: nemai e ciavai — Prime quindisine di setembar: concòrs di tàurs e torei — Fiere di S. Antoni: 20 di zenâr — Fiere di S. Valantin: 14 e 17 di fevrâr — Fiere di S. Zorz: 24 e 28 di avrìl (ciavai e nemai) — Fiere di S. Laurinz: 11 di avòst — Fiere di S. Catarine: 24 di novembar — Dutis lis joibis: pioris e purciz — Duc' i martars, lis joibis e lis sàbidis: marciât di lens e di foràgios — Tai mès di mai e di juin: fuee pai cavalirs — Tai mès di avòst e setembar: angùriis — In setembar e otubar: marciât da l'ue — Ogni martars, joibe e sabide marciât dal forment e di altris cereai in Plazze XX Setembar — Ogni dì: pomis e verdure a l'ingruès in te gnove sede di vie Volturmo (fûr puarte di Grizzàn) — Pomis e verdure al minût in Plazze S. Jacum — Polàm e ucei, in piazzute di S. Nicolò (V. Zanòn) — Di ogni genar di grabàtui, in contrade Zanòn — In otubar, novembar e dicembar: cistinis al ingruès in Plazze XX Setembar (Pesis pùblichis).
- *Valvasòn* (ab. 7317) — Il IV lunis di ogni mès: nemai, purciz, marcanziis.
- *Venzòn* (ab. 3909) — S. Andree, 30 di novembar — S. Lùzie, 13 di dicembar (p).

- *Verpojàn* (ab. 663) (Vipau) — Ai 22 di zen., 24 di avril, 9 di juin e al 29 di set.: nemai e marcanziis.
 - *Vile Santine* (ab. 1722) — Il I lunis di dic.; il lunis dopo la III dom. di ot.: nemai, purciz e ogni genar (p).
 - *Vipau* (ab. 5737) — Ai 20 di ogni mès: ciavai, nemai, purciz, marcanziis. — La penùltima di di carnevâl, il martars dopo Pasche, il lunis dopo la Madone di Avòst e la fieste dai ss. Simòn e Giude (28 di otubar): ogni genar di marcanziis. A Gozze, il 30 di nov. (S. Andree): marciât di nemai — A Slape Zorzi, ai 22 di nov. (S. Cecilie): nemai e marcanziis (p).
 - *Vit d'Asi* (ab. 2783) — A Ciassàs, il IV lunis di marz, avril, ot. e nov.: nemai e ogni genar (p. ad Anduins).
 - *Vivâr* (ab. 1750) — 24 di juin: purciz (p).
 - *Volzane* (ab. 704) (Tulmìn) — Il 6 di novembar (S. Lenàrt) e la I dom. dopo S. Zuan (24 di juin): grans e marcanziis.
-

